


泉州府志

第十册

卷之二十一至
卷之二十一



泉州府志



泉州府志卷之二十

風俗

有教化而後有人心有人心而後有風俗泉自唐以來席相常袞倡導於前蔡襄王十朋諸賢激揚於後重以紫陽過化之區薪傳不絕鄉先生遺澤類足以陶淑後輩海濱鄒魯之稱厥有由也然而民風更變近以十年升降何常唯杜其漸大醇不無小疵盛極或開流弊整齊而作興之機一動而應如神今昔寧有異軌耶作風俗志

唐十道志清源郡秦漢土地與長樂同晉南渡衣冠族多萃其地

韓昌黎集閩越地肥衍有山泉禽魚之樂雖有長材秀民通文書吏事與上國齒者未嘗肯出仕常袞為觀察使鄉縣小民有能誦書作文辭者袞親與之為客主之禮觀遊宴饗必召與之時未幾皆化翕然

九國志晉永嘉二年中州板蕩衣冠始入閩者八族以中原多事無復北嚮故六朝仕宦名跡鮮有聞者

宋王十朋止訟文泉在七閩之中民淳訟簡素稱易治

國經瀕海者恃魚鹽爲命依山者以桑麻爲業大抵皆崇
儉樸 好佛法重婚姻喪祭以儉薄爲恥

張闡集泉之爲郡風俗淳厚其人樂善素稱佛國

曹侑睦建學表地推多士素習詩書

淳祐郡志愛身畏法崇遜恥爭儒者安於閭里以漂泊爲
病仕者守其塗轍以奔競爲羞 木少桑柘婦罕蠶織
謝履詩泉州人稠山谷瘠雖欲就耕無地閩州南有海浩
無窮每歲造舟通夷域

明蔡文莊文集吾泉素稱民淳訟簡昔人至以佛國爲之

號夫槩以佛待泉人人固有未然者然卽是亦可以諒
泉俗之厚矣

黃河清文集泉郡宅於山海間山而居者歲食其山之入
猶出其餘以貿易於海海而居者亦食其海之入舉得
而有焉蓋山海之利居田之半也

王世懋閩部疏其地喜雨而惡旱田中多置井立石如表
輓水而灌之

隆慶府志泉地風氣溫融人素質實凡婚姻死喪饋遺燕
會宮室車馬衣服器用舊從省約故圖經以谷尚儉美

書之我朝成化間猶然昔人號曰佛國曰海濱鄒魯良
有由然士夫之家意氣交尙道義相先若疾病悉從醫
藥喪事俱用祭奠婚姻饋燕惟求不失禮意宮室多以
故陋爲安聲色漸以斂藏爲雅閎閔子弟不厭淡素間
閩衆庶觀望就簡國初舊意庶幾復回也已 泉居八
閩之南山勢蜿蜒不見削刻海港逶迤不至波揚故風
土溫柔民性愿慤習俗敦厚率以愛身畏法爲重原無
較計乖戾之風 國朝科第文物之盛彬彬與上國齒
今閩閩山海之間家詩書而戶業學卽卑微貧賤之極

亦以子弟知讀書爲榮故泉中冠裳之士往往發自寒
薄凡仕宦所至任事行法不善委曲徇人膠守官序拙
於夤緣雖有權門倖路莫能投向尤恥於面諛而短於
辭說見有脂韋洪忍貪汙無檢者輒羣然鄙賤之無或
強昧其心苟爲黨護蓋士以禮法爲拘氣節爲重自宋
至今猶然也

莊際昌文集吾泉風稱名郡人文幾爭勝宇內摛藻擷華
慮無不家元珠而人拱壁詩書絃誦之風達于七邑
萬歷府志泉封疆逼陬物產磽瘠桑蠶不登于筐繭田畝

不足于耕耘稻米菽麥絲縷棉絮絲來皆仰資吳浙惟
魚蝦羸蛤之利稍稍稱饒民飯稻羹魚爲甘於肉食不
敢羨也山藪居民樹藝葛苧機杼所就與他邑相灌輸
而貿易魚鹽不過獲殮是賴地利薄故其蓄聚少俗尙
敦樸自昔已然諸詣鬻塾市肆者踽踽一布袍殷積之
家製薄縑輕紗值吉禮嘉會始一被體四民各脩其本
業居恆絕不爲宴集吉凶儀節多依朱子家禮

何喬遠閩書泉州枕山負海有荔枝龍眼之利魚蝦螺蛤

多於羹稻懸菑絕巖以網罟爲耕耘附山之民墾闢磽

確植蔗煮糖地狹人稠仰粟於外百工技藝敏而善做
北土緹縑西番毳罽莫不能成鄉邨婦人芒屨負擔與
男子雜作士挾一經俛首鉞心無所不能爲貧者教授
資俯仰縉紳先生爲盛子中原其君子無造次辨麗之
智其小人帖帖愿謹自取衣食

周鐘京省考泉比屋絃誦人文爲閩最地利沃阜

國朝李光地脩學記成宏間蔡陳諸先生勵行清脩有進
退大節其時風尙淳樸聞之長老士大夫有休官而美
田宅者衣冠不齒也

黃朝陽答泉俗問或問泉俗每旱暵輒用素衣冠禱雨禮
歟曰此亦近於禮者也或曰禮月令大雩帝用盛樂雩
必備樂如是安在其可用素服也曰古者龍見而雩是
雩者先時求雨之祭耳豈所論于旱災之日哉按吾泉
地瘠民貧歲稔亦無儲蓄一季不登則嗷嗷待哺矣憂
旱剥膚非具文也夫禮雖不下及百姓然當迫切哀籲
之際素衣冠爲宜豈可呵之爲不祥乎

晉江縣

明郡守程秀民倫學記晉江爲古名邑文獻甲於海內

萬歷府志晉江人文甲于諸邑石湖安平番舶去處大半
市易上國及諸島夷好禮相先輕財能施安可少也

李光縉景璧集晉江一都會也俗好儒備于禮民儉嗇畏
罪頗有桑麻之業

溫陵舊事吾溫陵人文之盛晉江一邑與海內諸名邦相
抗衡蓋地去中原遠間以峻嶺高灘非積居時逐之所
民無所徵貴賤惟濱海爲島夷之販安平鎮其最著矣
至於紳士之家惟書而已堪輿家云郡清紫二山對峙
秀穎甲天下第二山之支如兩垂手至水口不相管攝

故人文盛而財賦損也嘉隆以來士人讀書多在開元
承天二寺尋文之室歲僦一金至於文廟兩廡尊經閣
先賢祠宇及附郭山寺皆老生耆宿受徒之所極至十
室之內必有書舍保販隸卒之子亦習章句當是時師
嚴而尊學徒已婚冠爲弟子員矣稍不如矩矱而受扶
其大鄉巨族則多爲社塾師徒交勵與郡城埒萬歷之
戊午己未維時何穉孝李宗謙二先生金以藻鑑品題
天下士所獎賞爲時聞人掇巍科登台輔者未易枚舉
郡人士束身脩行求所以當二先生之意二先生亦極

相推引所謂暮得一旦以告人如恐其或失之也土生
其間人人自愛問有鬪茸之輩擯不與爲徒彬彬乎其
鄒魯之邦哉歲科試晉邑儒童卷可萬餘縣送府七八
千人府送道亦二三千人入泮百五六十人學使者如
周諱之訓葛諱寅亮咸云泉郡生儒卽三倍其額尙有
不盡收之恨焉 俗樸而淳士農工賈各世其業農夫
有至老死不一足城市不見官府者 郡以內少行商
其坐賈本甚微或不能滿百金然樂甚遇令節芳辰或
歌或舞無所苦亦無所憚也蓋其時縉紳諸君人人欲

以風軌持世後又得李文節先生領袖其間一言一事無不足爲後世法諸縉紳惟恐有一過當使先生聞之故其子弟童僕莫不循循唯謹迨萬歷丁巳文節公逝矣然而士習民風猶然近古蓋典型尙在風規未遠習慣自然有若此者凡客必坐上位卽郎舅之親密熟知友亦皆上位主人下位陪之內辰後皆東西無上下位者余聞之吾父云吾祖宦歸在萬歷之壬寅癸卯將觴客而問庖價幾何父曰二星祖曰何遂至此吾公車時纔錢二三分耳及余所見天啓乙丑至崇禎之戊

辰巳巳每席亦三錢三分耳甲戌遂以兩矣然當時聞
之者皆舌橋不下老人則喟然嘆慨以爲怪事矣

南安縣

明陳叔剛重建夫子廟碑記南安去郡治最近號稱劇邑
百里之間絃誦相聞

蔡文莊集南安多深山峻嶺或行數十里不聞雞犬聲地
可耕者不能三之一

隆慶府志南安風氣俗尙大較與晉江同但南安之人多

任質而慳率晉工之人多好脩而文雅

萬歷府志南安文教爲盛其巨姓亦最多意氣交尙與郡
城隔十里許衣履往來相繼不絕惟長民者常于衙憲
費清理焉

聞書南安土壤滋沃宜瓜菓其人質率尙意氣

縣志南安建自梁天監中先泉郡而治風俗最爲近古家
詩戶禮穎秀而文出見上官多樸訥而短於辭說民勤
苦力作行賈不出鄉自明嘉靖中被倭毀掠室廬俱灰
戶多散亡故姓被寇入郡者不復營舊宅鬻產買牛給
佃墾荒不能復昔之半 土田磽瘠物產寡乏絲絮稻

菽之屬繇來取給於他方惟海濱魚蝦蠣蛤稍稍稱饒
一經變故卽鯁鯁然有不克支之慮焉

惠安縣

明張岳縣志西北多叢山有竹木果實薪炭之饒田皆逼
隄山谷間導水於高者注之次耕水耨伐山爲業農民
依崖澗縛茅爲屋植籬以障內外多者僅數家田原肥
美無漁鹽末作而用常足數村會爲一保有警輒相爲
應援故盜賊鮮少自邑治東北循海東南至洛陽江村
落繁多田錯布原隰無深溪大澤以溉注之常病於旱

人勤稼穡儉書衣食以致蓄藏隨高下燥濕皆爲田旱
月涓滴之水以死守之爲桔槔機輪以激水者聲達晝
夜桑麻雞鵝羊豕蔬菘羸蛤之利家自力以給處商販
以入興泉濱海業海亦不廢田事自青山以往出鹽又
出細白布通商賈輦貨之境外幾遍天下 人知力學
科目日盛學者談道理攻古文辭不專爲時文以應舉
民俗愛惜廉恥畏法度無敢習鬪雞走馬蹋鞠飲歌
呼及爲椎剽鬪訟以扞文網性善易忍事少爭訟衣服

儉素無絲紵文綺村落少金錢吉凶慶吊以布帛牲畜

五穀相餽遺喪禮主人製服旁親皆素幘涼衫素帶又
以爲巾服惟日月久近一依古禮婦人髻紒麻衣殊裳
腰經父母之喪亦素服三年事神雖謹終無肯捨其子
弟入緇黃者

陳安國儒學記惠安瀕海地瘠民貧

萬歷府志惠俗節嗇人知力學工文辭

閩書惠安地少壤多稻麥番薯可以支歲澣織織苧有葛
屨之風家豢豚雞羊豕可以鬻他郡村落慶用用布帛
牲穀爲禮婦人已嫁爲其父母服素三年其君子忠信

其小人儉畏而任慤

安溪縣

後周詹敦仁初建縣記土沃而人稠風淳而俗樸

宋黃銳安溪縣詩掌地也成田

明隆慶府志安溪泉支邑也其地土沃人醇素號易治西北多山嶺民附谷以居甲乙相失無復聚落風氣柔而不悍故民無遠逮之獄盤鬱山村罕誦詩書冠昏之儀多循泉俗桑柘少植惟種木棉女工織紵依山之戶壘石而耕人少出贅貧甚不爲僧道樹藝之外百無能解

商賈百工藝業咸遠人擅之以有其利

萬歷府志安溪盤紜山谷間去城市遠者耕織外一無所
事儒雅亦彬彬繼出

閩書安溪山水清激穀之所出足以饒郡中其土慳慳山
故產鐵五方民衣食其中亦能耗穀而叢警及棉夏葛
以爲女工

何喬遠舊縣志窮鄉極谷之士亦饒於文詞 僻在一隅
不廣於耳目浸於慧巧故其 慳有溪山暢遂之觀故
其民和田疇阡隴多在崇岡複嶺間雨露易滋山泉所

注已足當畎澮刀耕火耨力省事倍故其民逸

新縣志士通經學古倍於往日嚴閉戶惜身名農曩耕於
田今耕於山若地瓜若茶若桐若松杉若竹凡可供日
用者不憚陟巉巖闢草莽歲計所入以助衣食之不足
閭閻巾幗勤女紅務節儉皆能以禮自守

同安縣

明隆慶府志同安自朱子簿邑以來禮義風行習俗淳厚
士多穎異能文以氣節自勵其民亦守分能任真性無
矯飾男子力稼穡婦女皆勤紡績東方地磽民多貧能

身州志 卷之二
習勞苦涪洲居海島中有風沙之苦其俗尤敦儉素業
儒者多科目恒不乏人最下乃精習法律耳西方地曠
民逸亦不至怙侈巫覡浮屠間亦用之但儒者亦多不
惑祭奠用朱文公家禮

萬歷府志同安絃誦之聲四達科第近埒于晉邑

閩書同安朱子之所過化其君子勵節而小人任天其男
力穡女善爲布

鄧一相縣志序同重力本尙經術禮不辭費舉度于義視

他邑屬稱良 同濱于海探珠而從海賈遊者經鯨波

屢浪之險而心無畏懼

按泉郡人文之盛甲于全閩人佔畢而戶絃歌自宋迄明士以理學經濟爲務恥爲詩賦文詞之習及嘉隆以後鄉前輩博洽淹通出其緒餘皆足以爭衡上國我

朝文治誕敷海濱盈溢經學之儒彬彬輩出黨塾子弟年方髫髻多有能誦十三經者晉邑歲科童子赴院試者幾至五千人他邑亦不減十之二三雖有佳文不能以入彀決也又其士習尙廉恥而多清議一行有失則閭郡傳譏故寒酸食貧半菽不飽卽宦成而歸往往囊不

名一錢至有莫能具饘粥者是又不獨坎墮失職之士
然矣 祀先之禮必極其誠百人之族一命之官卽謀
置祠宇祭田霜露歲時非豐潔不薦下至市井小民家
設主龕務求宏麗凡廳事位置必先祖而後神 泉人
最嚴於男女之別功總之親多不相見戚屬姻眷屏絕
交遊凡踏青鬪草入寺燒香登山遊玩雖小家女羞爲
之女子不讀書卽紳士家讀至八九歲畧識大義而止
十歲以外禁不出中堂偶有年長女婢經過街衢則譏
誚必及其主矣 娶婦入門越二日拜獻茶果於所尊

以珠簾蔽面賀客坐外廳索茶果無必得素絕闢房喧

譁之習 家畜僮僕非幼則老足供事而已其有優養

俊奴者則鄰里交非之 俗重衣冠之飾非市井無賴

雖盛暑燕居無袒裼者 習俗好義凡郡中興建大事

及尋常施捨雖家非素封亦恥居人後 以上數條皆泉俗之最美而為

舊志所未備者故特為拈出 地斥鹵而瘠租入不足以供仰海運甚

於望歲遇灾禔則饑歲稍豐而黠佃又飽其私庾萬歷

府志云近年生齒日繁山窮採樵澤竭罾網仰哺海艘

猶呼庚癸又云佃農所獲朝登隴畝夕貿市廛至有豫

相約言不許輸租巨室者及今此風未改其尤黠者或

串通胥役以為庇護而食租者難矣溫陵舊事泉地隘而磽瘠瀕海之邑

耕四而漁六山縣田於畝者十三田於山者十七歲入

穀少而人浮於食養殮所資上則吳浙下則粵之潮高

如數月海船不至則待哺矣晉邑所槩尤齷於他縣邑

東十餘里屬惠其隸晉者巨浸耳邑西五里為南安正

南多濱海埭田未旱而涸西南不十里又南安界也惟

嶺北四五十里其東復為惠安比連仙遊稍稱沃壤每

春冬徵租舊皆佃主親履田畝以豐歉為完欠田丁例

供一飯田主上坐田丁之老傍坐舉壺觴田主或縉紳

溫陵舊事泉地隘而磽瘠瀕海之邑

而磽瘠瀕海之邑

則吳浙下則粵之潮高

所槩尤齷於他縣邑

西五里為南安正

又南安界也惟

比連仙遊稍稱沃壤每

以豐歉為完欠田丁例

或縉紳

或縉紳

育識者云此始也夫久南安之變作一日而殺田主
數人壘土堡於山巔積穀其上約無輸租者無賴之徒
攘臂而爲之首有穀已收在船至近郊矣亦衆維之而
去不則焚棄之益其鄉之厚貲者或自匿而不敢與亂
則殺而戮辱其妻女永春安溪俱望風起矣釀禍數載
穀價騰湧郡城大困有泉南遊擊洪日升者徽人也頗
知兵曰此豈可長吾其往平之乃以所部遍歷諸邑民
匿其少壯以老者數人衣冠具羊酒泣言取租之橫誠
非得已願學爲良善洪多方宣諭其頑抗者亦有所擒
獲以事非奉旨不敢大加懲創而勢亦稍戢洪之力也
然閉穀不輸猶故也竟無敢入山收租者時鄭金吾假
旋郡紳往請之遂毅然率其自餉兵四百人駐南安報
親寺悉得其倡亂主名令歸自首因赦其罪約盡平山
堡使各領其本地方收租人如數輸將事始有緒自是
收租者不戢自斂而佃
民之桀驁遂至今矣

瀕海之民多以魚鹽爲業而射

贏牟息轉貿四方畧師估人高帆健艣疾榜擊汰出沒

于霧濤風浪中習而安之不懼也閒有一二無賴之徒
乘逆風破艦時扼人于險而攘其利者○習俗之趨尙
爲豪侈隆慶府志云家無擔石非色絲盛服不出萬歷
府志云牛醫馬傭之卑賤炫然搖曳於都市同安縣志
云服食華美奴隸之輩與縉紳等及今而商賈胥役之
徒美服食僕妾輿馬置良田好宅履絲曳縞擲雉呼盧
以相誇耀比比而然甚者少年輕俏窄袖禿巾衣冠多
不循制度以自爲容悅晉同一邑爲尤多也隆慶府志
云婚姻則糜金帛萬歷府志云冠禮少行三加婚嫁頗

尙後糜割裂繒帛章施采綉雕金縷玉工費十倍惠安
縣志云婚嫁頗計資送唯一二大家爲甚近十數年此
風稍息紳士之家非極富厚聘不用金裙釵之屬隨意
資送獨至鄉里小民嫁娶論財或買巨室婢爲妻非數
十金不可得是貴易而賤反難矣 泉人頗惑於鬼神
之說故疾病死喪多未合禮宋安溪令陳宓詩云時人
信巫禬多燒病不求醫令自活嘉定條例云民之有喪
富者侈費而違禮隆慶府志云居喪用浮屠疾病求符
禱萬歷府志云居喪之奠廣致親賓自堂及下盛陳邇

身以所示 卷之二
豆既撤奠則親賓饗胙惠安縣志云俗頗務鬼信機祥
小數窮鄉無醫藥有病則禱於神及今此風猶然縉紳
之族能屏斥浮屠者邑數家耳其餘喪事率致僧道鼓
鑊之聲與哭泣競焚楮錢以數十萬計鄉邨之民病則
扶鸞擡神或延巫覡噴油履火此民俗之最惑者也

風水之說惑人尤深萬歷府志云郭璞葬經遞相肄習
急則牙角交構緩則遷延歲月雖再世不葬恬然安之
蓋泉地阻山窄狹非如江浙以北平洋廣土可以族葬
之法施之故吉穴凶穴以及斬傷之說不盡無驗但爲

子孫者苟得可安之地受其先靈足矣乃習俗之非自昔已然今則愈甚每聽地師及土棍指使於他人墳山妄生覬覦賢官裔微或至邱隴不庇甚至僕混主地孫侵祖穴徃徃而有更有近山大姓恃轄負嶠凡遇人家葬墳輒行阻止得賂乃已名曰索埔人家掃墳羣索祭物名曰約餅此更頑薄之至者也

宋鄭俠集云民業

不豐里俗喜訟明蔡文莊集云比年以來牒訟動以數百計或上司行部遮馬首而訴者絡繹也隆慶府志云市井小民有事輒假關節求勝李光縉集云晉江之民

矜憤好勝喜爭訟王慎中集云同安之俗囂訐健訟視
庭中牙鼠角雀勝者酒食鼓舞賀之同安縣志云民之
好訟未有甚於今日者也都由積惡訟師恣弄刀筆布
成陷阱甚者通同胥吏高下其手使兩造經年累月骨
盡皮穿而渠之生涯已無窮矣觀此則泉俗爭訟盛不
自今積弊之端同安縣志盡之矣隆慶府志云正嘉
以後家尚客氣武勇爲傑狂躁爲能負山濱海頑梗險
健之夫動務終極甚則甘心萬歷府志云駢脇多力之

維如彪如虎十百爲羣衣冠負隅一肅降集乃豪家之

脩怨者或用以為前矛

溫陵舊事吾溫陵棍法手摸妙天下蓋俞都護集古今棍法而

大成之身與士卒相角舐余所接善棍者皆言其父其

大父親承都護之指教都護謂西北多力南人當以法勝也盛平無事暫憚之徒無所用心相與習擊

刺及手撲亦有絕妙者至是遂用以打降矣

南安縣

志云嘉靖被寇以後一切失業細民率趨賭博椎剽

訟之計以幸旦夕安溪舊縣志云依仁龍涓崇信崇善

之間好鬪而喜訟其民食鹽鐵之利感德潘田諸鄉作

治者皆汀漳旁郡人或時有構眾伏藏之患隆慶府志

又云同安瀕海漁民西鄰於漳者性多勁悍好鬪故招

募土兵時以同稱最同安縣志云同瀕海之區四達交

衝游手攘臂之徒糾夥結盟各立門戶胥役兵丁為之
互張聲勢蓋泉民剛質頗有尚氣之習郡城內多淫祠
畫地為境境有無賴少年謂之闖棍每遇迎神輒與鄰
境互相格鬪其在鄉村大姓聚族而居睚眦之怨率族
持械雖觸法不率晉南同皆然近唯惠安安溪少見耳

萬歷府志云無賴子袖挾銖兩冀倖雉盧墮落陷穿
坐進巾幘同安縣志云賭風盛行匪自今日賭僕最甚
莫如頭家當今此風稍息然市井之間邂逅為羣壓寶
擲錢時時有之亦有多年積棍設為國媒引陷良家子

弟是在當事之密訪而嚴究之耳

以上數條皆舊府志所載泉俗之未盡

醉者雖經歷在良有司殫心教化尙有一二未能遽改附而存之亦以示警

歲時

元日雞初鳴內外咸起貼門帖及春勝設茶果以獻先祖

拜祠堂及尊長戚友相過賀日午復獻饌於先祖明日

乃撤亦有晚即撤者是日人家皆以柑祭神及先至元

宵乃撤

按此即傳柑遺意歲時記上元以柑相遺謂之傳柑

宋郡志元正賀禮鄉

寓公相約聚拜省徃復之煩郡守兩司率僚屬會焉舊

于貢闈後于承天寺至淳祐間廼即泮宮隣里則各于

側近庵宇會集商長歲推一人具酒果為禮今此禮廢

立春之日家設香案爆竹接春貼春勝

人日閩書泉人以此日取菜菓七樣作羹名七寶羹歲時記人

日以七種

菜為羹

初九日閩書泉人謂是日為天誕玉皇本行經玉皇以是日度世按千寶搜神記

玉皇乃外國王子之成佛者具有父母姓名今即以為天誤矣道觀多報賽近則里巷

有之鄉郵之間無定日謂之天香

上元夜張燈以米圓祭先及神或以酒饌祀祠堂謂之祭

春又上元內外賽會迎神鄉郵之間或於二月謂之進

香隆慶府志多者費數百金少者亦不下十金萬歷府志粧飾神像窮極珍貝闖遊衢路因起爭端聞畫泉中上元後數日大賽神像粧扮故事盛飾珠寶鐘鼓震鉤一國若狂溫陵舊事三吳人謂之社謂之會舉行於春夏之交或以五月王山人百穀紀之詳矣末附顧氏一書則指爲禍階噫亦太甚矣吾溫陵以正月謂之朝拜亦曰會蓋合閭里之精虔以祈年降福亦遵古儼遺意相沿已久事亦無足甚非者九會皆於正初擇其境之齒德而裕財者首其事鳩金訂期設醮然後迎神周其

境內人家置几檟焚香楮甚恭神富家之先有所祈請者粧爲神像名曰賽答假面盛飾高擎其座及於楣簷正神八座端拱其行前者稱某將軍某元帥則選長軀偉幹者亦八擡挺立結束不亞正神復有一無所執惟拱手躬身如廟中泥塑位置旣高道上下轉折凝然不動足稱絕技者樂之部有馬上吹有步吹有五音銅鼓官川雲得之者卽所云諸葛鼓也旗之部有高招旗五方旗帥旗三軍司命旗清道旗飛虎旗巡視旗執事則戈挺矛戟箭架劍盾龍頭鈎鎌等刀無不畢具而材官

騎士執蓋旋馬奚奴軍校蒼頭旗手之類復百餘人好事者又或摘某詩句某傳奇飾稚小僮婢而爲之名曰擡閣或結絲紬爲棚懸以珍玩執之而行名曰軟棚凡皆疲累日之精神以供一朝之睇盼神皆四昇惟通淮關大帝花橋吳真人南門天妃虎山王相公古榕境元檀元帥則八檀吳真人天妃步耳餘皆馳脚攢力齊其疾如風雖奔馬弗及其或異飾花面極爲醜態鳴鑼助喊以爲神威觀之一笑而已神之前爲道士又前爲鼓吹又前爲巡逆豈卽逐疫二字之訛乎虎冠假面爲厲

鬼之形飾金執桃茱古儺遺式也吳真人巡遊獨多至數百人餘或半或十之二三鑼聲震天地久之而神始過矣九會一日之事大畧止此也至夜首事者例以鑼數面呼人家門首點燈二更時呼出燈牌火把於是不論大小人家各執長柄方燈一持香燈書風調雨順祈保平安等字聞之故老云舊例每十步敲金則持香者皆拜朝拜之名以此然持香吾猶及之每燈數十間以鐘鼓架其制四人舁之周圍燈火緣以練錦綴以流蘇鼓鳴於內鐘應於外復夾以二麝簾爲左右行又一種

名香架鼓吹一如鐘鼓架而製加侈大畧如吳下酒船
長河官座四周紗屏畫山水人物皆名筆也燈火三層
懸沉檀其上香聞數里矣關大帝吳真人燈牌以數千
計鐘鼓架香架以數百計火炬亦千百計長街一望如
星宿如燎原凡茲皆不招而至不約而同欣欣而來滿
願而歸者也

二月初一前後社師入學宏治省志宋盛時泉鄉里各有
社學歲前父兄商議擇師表至日里推一人爲東以諸
生姓名具關帖啓請入學

二月十五日花朝風土記春序正中百花競放故曰花朝

閩書泉中林下諸

老有以是日飲酒賦詩者宋郡志仲春貴家開園圃放

遊人賞玩兼旬經月又東湖北山多亭館遊人相望此

節令廢

清明揀杜鵑花祭祖先有粿以鼠麴和米粉爲之綠豆爲

餠明日掃墳培土掛楮幣亦有卽清明日者亦有遲之

數日者安溪縣志揀柳于門

四月初一日寺僧募化人家名洗太子初八日浴佛

按佛經是

日爲釋氏以香易蓮佛頂分魂施主家則以餅餌高僧

歌利頭浴佛以五色香水灌佛頂歲時記
無子者是日以薄餅供九子母以乞子

五月初一日採蓮城中神廟及鄉邨之人以木刻龍頭擊

鼓鑼迎于人家唱歌謠勞以錢或酒米

端陽龍舟競渡明黃克晦詩乍採芙蓉製水衣蒲觴復傍

飛倚棹中流風澹蕩回繞極浦兩霏微為承清謙就佳賞自怪猖狂醉不歸懸蒲艾及桃枝

于門貼符及門貼小兒以五色絲繫臂曰長命縷風俗通長

命縷一名辟兵繒又以通草象虎及諸毒物插之歲時記勇綠為小虎貼于

艾葉以戴之飲雄黃酒且喫於房角及床下云去五毒小兒

則擦其鼻沐蘭湯天戴禮五月五日菖蒲為沐浴作粽相饋遺風土記以菰葉

風俗

裹粘米謂之角黍俗云粽以米粉或麵和物于油內煎之謂之堆此

即菹龜之訛也風俗通是日煮肥龜去骨加鹽鼓麻蓼名曰菹龜取陰陽包裹之象合百藥闔書

泉浦是日多食鸚鵡螺以能明目近日食者多中毒死頗以為戒蓋此螺附

穢捕者多先拋死蛇以誘之故能傷人

是月無定日里社禳灾先日延道設醮至期以紙為大舟

及五方瘟神凡百器用皆備陳鼓樂儀仗百戲送水次

焚之近竟有以木舟具真器用以浮于海者

六月薦新穀於祖先獻荔及時果或副以筵霍實四民月令初伏薦麥

瓜于

七夕乞巧陳瓜豆及粿小兒拜天孫去續命縷

中元祀先寺觀作孟蘭會

俗名會度道書謂是日地官校人善惡孟蘭盆經註梵言孟蘭

盆此云倒懸救器

南國風俗中元夜家戶各具齋供羅于門外

或坳衢祝祀傷亡野鬼

中秋夜以月餅番薯芋魁祭先及神前一二日親友以此相餽

八月祭社安溪縣志安溪以初一日祭社又是月多祭墓

俗云墓門開十月中亦有祭墓者名爲送寒衣惠安縣

志酒食以祀土穀之神按此祭唯此二縣行之他縣于

刈稻時報賽阡陌間而已

九日登高飲茱萸菊酒唯士人間行之

冬至州人不相賀祭祠堂春米爲團餠之謂之添歲仍粘于門

臘月十六日商賈皆祭土地神牲醴極豐

二十四日祀竈或二十三日

俗謂竈神是夜上天

以一家所行善惡奏于天也又言此日百神有事上帝畫輿馬儀從于楮具牲饌焚而送之至正月四日乃迎

而復之如送之禮

二十五日俗謂天神下降設香案於神前

除夕前一二日以豚糕相遺謂之餽歲至夕祭先及神謂

之辭年設酒食聚飲達旦不寐謂之守歲熾爇炭燒雜

木爆竹於庭或超而越之謂之過炎

吳中風俗記人家各於門首燃薪謂

之相煖熱此即其意云

又泉人度歲皆以米粉為糕粿餈餈之屬

留宿飯於明日謂之過年飯

上諭一道雍正十二年

上諭朕聞閩省漳泉地方民俗強悍好勇鬪狠而族大丁

繁之家往往恃其人力衆盛欺壓卑寒偶因雀角小故

動輒糾黨械鬪釀成大案及至官司捕治又復逃匿抗
拒目無國憲兩郡之劣習相同而所屬之平和南勝一
帶尤爲著名此中外所共知者朕思上天陰騭下民與
以至善之性故云民之秉彝好是懿德五方之風氣不
齊而本然之性則有善而無惡東西南北所在皆然漳
泉之民亦未有天秉獨異者其所以不善之故則因俗
尙翬凌漸成積習耳之所聞目之所見皆剽悍桀驁之
風而無禮讓遜順之氣遂合本然至善之性陷溺而不
自知也其中豈無良善之人不過自潔其身固難以數

人之力挽風俗之澆漓可爲浩歎朕自臨御以來屢頒諭旨訓迪內外黎庶詳明諄切至再至三自通都大邑至僻壤遐陬咸使之家喻而戶曉而各省民俗漸知奉法循理不敢蕩檢踰閑且如最難化者莫過苗蠻獠獯之人近皆有頗知革面革心有欣欣嚮化之意漳泉內地之民轉不如苗衆等之悔過遷善革薄從忠而甘于自暴自棄蹈身法網乎朕心深爲不忍特降諭旨切加訓導易曰積善之家必之餘慶積不善之家必之餘殃書曰作善降之百祥作不善降之百殃此言善惡感召

之機捷于影響作奸犯科之人既爲王法之所不宥必
爲天理之所難容禍福利害之間判然兩途然則爾等
亦何所憚而不爲善何所利而爲不善乎大抵居鄉之
道親睦爲要保身之道循分爲先毋以強凌弱毋以富
欺貧毋以智侮愚毋以衆逼寡毋爲行險徼倖之事毋
爲干名犯義之行父老子弟聯爲一體鄰里鄉黨視若
一家相友相助息訟息爭使朝廷旌爲義鄉有司表爲
仁里身名俱泰刑罰不加天下至樂至利之事至安至

道之竟無過于此况聞省文風頗憂武途更盛而章泉

二府人才又在他郡之上歷來爲國家宜猷効力者實不乏人獨有風俗强悍一節爲天下所共知亦天下所共鄙何不翻然醒悟共相勉勵而成禮義仁讓之鄉乎着該督撫仰體朕心時加訓戒更立勸懲之法實力奉行務俾俗易風移以副朕一道同風之至意特諭

告諭 附

采朱子補試榜諭蓋聞君子之學以誠其身非直爲觀聽之美而已古之君子以是行之其身而推之以教其子弟莫不由此其風俗所以淳厚而德業所以崇高也近世之俗不然自父母所以教其子弟固已使之假手程文以欺罔有司矣新學小生自爲兒童時習見其父兄之誨如此因恬不以爲愧而安受其空虛無實之名

丙以傲其父兄外以驕其閭里而身不知自力以至卒
 就小人之歸者未必不由此也故今勸諭縣之父兄有
 愛其子弟之心者其為求明師良友使之究義理之指
 歸而習為孝弟馴謹之行以誠其身而已祿爵之不至
 名譽之不聞非所憂也何汲汲使之俯心下首務欲因
 人成事以幸一朝之得而貽終身之羞哉今茲試補縣
 學弟子員屬某典領故茲勸諭各宜知悉又策試榜諭
 孟子稱君子之所以教者五而答問居一焉今發策以
 觀二子子之所蘊而折中之是乃古之所謂答問者非
 徒相與以為諛也自今諸生條對所問宜湛思正論于
 答問之際審加意焉若夫朝廷之事則非草茅所宜言
 而師生相與之誠意亦不當數見於文字之間也二三
 子慎之真德秀泉州府科舉論士文某治郡無堪已叨
 易地尙茲需代遂及見秋闈之盛舉顧念此邦英材輩
 出為士者各知以禮自將向來旁郡聞有以塲屋喧囂
 而坐殿罰者獨此邦素所未聞士習之美於斯可見某
 區區猶欲少伸論告者蓋以平時自愛之心推之以及

之與志相為主賓未有氣安靜而志不寧氣勞擾而志不動者也故曰志壹則動氣氣壹則動志今夫蹶者趨者是氣也而反動其心此乃治心之格言脩身之至要學者平時間有講不及此涵養之功既無其素一旦就試遂以勇士赴敵場自比而不知戰鬪所恃者勇力場屋所恃者心思戰心尚氣猶有再衰三竭之懼况於文章者精神之所發見者和平其心清明其氣猶恐心手未能相應况於喧譁敷課奔走頓撼之餘精神氣血交擾於內非終日不能以定而欲下筆之際詞采煥然義理條達難矣尚憶某少時屢更較藝頗知深自愛惜每每緩步徐行於衆人之後既坐試席他人之有喘膚汗者未能遽定而我已安坐凝神運筆諦思矣逸勞靜擾十倍不同故雖學力甚踈猶能連收科目其効往往由此今願七邑之士父兄友朋交相勸勉以靜重安徐爲先以喧呼躁擾爲戒則發之於文必將大有可觀者非特文字流傳四方學者皆以爲法而士風之美尤足

以冠絕一時豈不偉哉至於試院之所措置無非深爲
士友之地尙慮其間或不相察輒煽浮言亦願老成有
識之士開曉鑄論俾皆釋然無惑幸甚又勸農文仲春
勸農耕郡國有常制越從近世來往往具文視前驅擁
旌旄後隊繁鼓吹官民情不孚感動何由致勸諭雖有
文古語雜奇字田夫莫能讀况乃識其意我來分州符
德薄徒自愧惟存愛物心端可質上帝苛堯必蠲除彊
梗必鋤治常懷堯舜仁一夫或不被今當東作初豈曰
脩故事父老爾來前聽我傾肺腑嗟哉瀕海邦半是磽
确地三時勞耕耘收獲尙無幾四體或不勤將何活老
稚頻年旱且潦生理殊匪易去秋幸中熟我喜幾不寐
乃者驚蟄前甘澤屢滂沛霆聲應期發人謂豐稔瑞爾
宜乘此時汲汲操耒耜五穀隨其宜勿惜多種時陂塘
謹脩築預作灌溉備先民嘗有言惟謹則不匱必湏竭
人力乃可盡地利旋看翠浪翻忽作黃雲委家家飽香
粳在在拾滯穗雞豚享親賓酒醴供祭祀此時三農家
快樂誰與比功效在目前筋力非徒費父老記我言歸

不類第一勿好飲好飲多招累類冥觸罪咎大半緣酣
醉二則勿好博好博為身崇但觀盜竊徒多起樗蒲戲
三則勿好鬪遜順人所貴忘身及其親每每因忿恚何
如忍須臾事過心如水四則勿好訟終凶聖所戒小則
糜貨財大則遭縲繫何如退跬步終身免顛躓我昔初
下車諄諄嘗揭示今復重叮嚀爾民宜切記諭農因諭
俗予心真篤摯不言而化行有愧古循吏再守泉州勸
諭文太守將至郡人歡迎自慚薄德莫副民望視事之
始合有教條不憚諄諄為爾開說凡為人子孝敬是先
其次友愛協和兄弟人非父母豈有此身父母生兒多
少艱苦妊娠將娩九死一生乳哺三年飲母膏血携持
保抱日望長成如惜金珠如護性命慈烏反哺猶知報
恩人之不孝鳥雀不若兄弟之愛同氣連枝古來取喻
名為手足人無兄弟如無四肢痛痒相關實同一體長
當撫幼弟當敬兄或值急難尤須救助其次族屬雖有
親疎論其源流皆是骨肉譬如大木枝葉分披本同一
根氣脉未遠豈宜相視便若路人其次鄉鄰情義亦重

患難相扶疾病相救恩義往來亦不可闕以上四事人道大端凡爾首當加勉家家孝友人人雍和息事息爭安分循理得已且已莫妄興詞一到訟庭終身仇敵更相報復無有休期壞產破家多由於此語言喧競或不能無鄰里之間急宜勸止莫合交手致有鬪傷彼中汝拳汝受官棒本因小忿遂結深讎何似始初便從忍耐觸來莫競心下清涼市井經營雖圖利息亦須暗足莫大虧滿秤斗稱量各務公當大入小出天理不容濕米水肉大爲人害放積收息量取爲宜分數太多貧者受苦舉債營運如約蚤還莫待到官然後償納飲酒無卽少不生災賭博不戒多至爲盜游手浮浪久必困窮勤謹復業終是得力太守今此爲民復來有大不平當爲伸雪有大不便當爲調除事若細微不必相擾於爾無益於我徒勞違法犯罪最不可作舊來有過各諒自新教而不從刑斯無赦有過能改卽是良善耆艾老成宜推此意誨爾子弟及其鄉人有違此言衆共誚責凡此切勿但欲曉編民讀書爲儒師慕聖哲自知義理不待鄙

人心感動去薄從厚與災否和自始自今承承以教人
勸孝文當職昨以二事論民首及孝弟數月以來
諸廂申到如黃章取肝以救母劉祥取肝以救父近又
有承信郎周宗強者其母安人陳氏得疾幾危宗強割
股救療母遂平復雖非聖經所尚然其孝心誠切實有
可嘉今忽據百姓吳裕同妻阿林懇其子吳良聰不孝
再三審問具言其詳當職忝為郡守不能以禮訓人致
此人間有此悖逆日夕慙懼無地自容周承信除依條
支賞外特請赴州置酒三行以示賓禮之意用旗幟鼓
樂鞭馬織扇送歸其家吳良聰罪該極刑姑從輕杖脊
二十髡髮拘役一年仍就市引斷使人知孝於其親者
有司所深敬不孝其親者王法所必懲兼此邦之人本
來易化只緣官司不加訓勵故有無知而輕犯者今為
爾民畧陳大義昔有聖人作孝經一書教人以事親之
道其紀孝行章曰孝子之事親也居則致其敬養則致
其樂病則致其憂喪則致其哀祭則致其嚴五者備矣
然後能事親孝之始終無出於此所謂居則致其敬者
言子之事親常須恭敬不得慢易蓋父母者子之天地

也爲人而慢天地必有雷霆之誅爲子而慢父母必有
幽明之譴昔太守侍郎王公見人禮塔呼而告之曰汝
有在家佛何不供養蓋謂人能奉親卽是奉佛若不能
奉親雖焚香百拜佛亦不祐此理甚明幸無疑焉所謂
養則致其樂者言子之養親當有以順適其意使之喜
樂也大凡高年之人心常歡悅則疾病必少中懷戚戚
則易損天年昔老萊子雙親年高常著綠衣爲兒童戲
正以此也今貧下之民固無美衣珍膳以奉其親但能
隨力所有盡其誠心父母未食子不先嘗父母當寒子
不獨煖父母有過和顏開解父母有命竭力奉承則尊
者之意自然快樂閨門之內盜然如春矣所謂病則致
其憂者言父母有疾當極其憂慮也昔人有母病三年
衣不解帶者親年旣高不能無疾人子當躬自侍奉藥
必先嘗若有明醫不惜涕泣懇言以求療治之法不必
剔肝剗股然後爲孝蓋身體髮膚受之父母或不幸因
而致疾未免反貽親憂若貧之至甚無力請醫許詣州
目陳當爲遣醫診視藥石之資官有常給至於喪祭二

火化而害於恩夫送終之禮稱家有無昔人所謂必誠必信者惟棺槨衣衾至爲要切其他繁文外飾皆不必爲至如佛家追薦之說固茫昧難知然昔賢有言天堂無則已有則君子登地獄無則已有則惡人入苟明此理則誦奉僧尼廣脩齋供其爲無益灼然可知又聞鄉俗相承親賓送葬或至封宰羊豕酣營杯觴當悲而染尤爲非禮至於貧窶之家委之火化積習歲久視以爲常曾不思古者皆叛惡逆之人乃有焚骨揚灰之戮今親肉未寒爲人子何忍付之烈焰使爲灰燼乎言之尤可痛心况復忍爲其事自今而後富者則願其削世俗不正之禮省虛華無益之費審欲爲親祈福豈若捐金穀以濟飢有若施藥施棺無非美事儻能行此福報自臻何必索之渺茫要希因果貧者則願其勿以火化爲便苟少可趨辦何惜辦尋丈之地以葬其親必不獲已卽仰陳乞於官地安厝但深堀坑坎築土實封亦勝於焚屍之慘經曰孝弟之至通於神明天下萬善孝爲之本若能勤行孝道非惟鄉人重之官司敬之天地鬼神

亦將祐之其悖逆不孝非惟鄉人賤之官守治之天地
 鬼神亦將殛之此州素稱佛國好善者多今請鄉黨鄰
 里之間更相勸勉其有不識文義者老成賢德之士當
 與解說使之通曉庶幾人人興起家家慕效漸還淳古
 之俗顧不美歟勸農文太守前任三年而去已卯勸農
 文有曰來歲相望逸乎山川蓋瞻瞻泉民而不忍去之
 十四年蒙恩復來又因勸農得舉盃酒以飲父老喜當
 如何爾民之喜當亦如太守之喜也太守此來精神氣
 力不及前時惟有真心愛民不減前時今所望於父老
 者勸化鄉里後生子弟各為善人各脩本業而已孝經
 庶人章曰用天之道因地之利謹身節用以養父母此
 庶人之孝此經乃至聖文宣王所作大聖語言應不悞
 人春宜深耕夏宜數耘禾稻成熟宜早收斂豆麥黍粟
 麻芋菜蔬各宜及時用功布種陂塘溝港緒畜水利各
 宜及時用功浚治此便是用天之道高田種早低田種
 晚躁處宜麥濕處宜禾田硬宜豆山畬宜粟隨地所宜
 無不栽種此便是因地之利既能如此又須謹身節用

下賤此便是謹身財物難得常須愛惜食足充口不
貪味衣足蔽體不須奢華莫喜飲酒飲多失事莫喜賭
博好賭壞人莫習魔教莫信邪師莫貪浪遊莫看百戲
凡人皆因妄費無節生出事端既不妄費即不妄求自
然安穩無諸災難便是節用謹身則不憂惱父母節用
財能供給父母能此二者即是謂孝故曰以養父母此
庶人之孝也父母雖亡保守遺體勤脩祭祀亦與孝養
一同孝經此章凡二十一字今鑽小本煩爾父老散與
鄉民勸其朝朝誦念字字奉行如此則在鄉爲良民在
家爲孝子明不犯王法幽不遭天刑比之遊惰廢業自
取饑寒放蕩不謹自招危辱者相去遠矣爾民既喜太
守之復來則當信從太守之教令其敬聽之母忽明晉
江令陳之清上撫按一利十害文令能爲政不能爲規
政也者令能知之亦能行之規也者將使久行守焉合
言於下大府規於上邑庶有瘳令所宰邑地嘔民穡耕
而於山豎壩於海姑春婦擔女市男田坐賈工作其細
已甚至其舌未筆畊至此於無縛之粵無函之燕令不

能教之開利孔實以啓爭端惟願為之去泰去甚俾還
 葛屨蟋蟀之俗蓋興之利一草之害十古人屠酷之汁
 可以肥澆水而今也水爭於地陂爭於水人爭於陂財
 爭於人令欲求不貪財之人使之守陂不墮陂之事使
 之守水不洩水之地使之受陂庶幾乎田有餘登農有
 餘粟為是首政若夫葦害之道亦有可言舉其錢穀之
 數十年而書之籍上之天府乃今不按籍徵賦時輒有
 私莫書吏里正利而消亂之吏呼何怒賦以不登合業
 如蕭書吏以付其家官與民若臚列行之為稍便夫惟
 大府著為令則便徵賦民不能無訟也而是邑之訟勞
 夫有訟者有師訟者家詩戶禮變為刀筆是用多師而
 繁訟夫惟大府著為令罰之加必則訟事簡訟簡則刑
 清而政不煩人莫不愛生也而是邑小民獨不愛其生
 者不愛其生者以為利於訟為誣而不反坐也于財
 為掠而借以擾資也且夫七邑惟三件卒也吏畏色臭
 不敢衙邇有傷無傷惟卒言也多習之人則分而難為
 行財也人而三之何不財跡為生死也夫天雖高也猶

府著爲令嚴反坐禁願掠克廣件卒則人命得情無侵
天地之和夫脩問司寤所以防盜也祗而域之櫟而行
之盜亦稍鳥獸散乃去之鄉落間鄉落無有城堡闕柵
盜可相翔我必假捕卒卒所勾糾小盜耳蓋偷雞屠狗
之徒而真盜反不得卒時時飲熒盜盜與卒分財物豈
唯啖盜也時或出一洗名姓可以影射平民入其室平
民繆恭敬具雞黍則可以免不則腰間有三寸鐵袖出
鏤鏢係其頭牛病而死指目爲私宰夫是害也邑之安
海鎮滋甚是鎮也買夷通粵其貨可以居捕盜之官且
圖數更而况夫卒也夫惟大府著爲令防捕盜官若卒
嚴于其防盜也則盜之生理絕夫牧豬之戲君子恥之
而今有戲于市者有戲于家者市戲則傷其身物家戲
則傷其財產而猶競爲之戲于市可法繩也戲于家不
可法繩也且曰我劉毅也曰五邱生也大惟大府著爲
令無不得繩也則不得爲博塞游而鷺于本事矣市有
惡少年夫非爲惡少年也或有馮子都或有秦宮子都
秦宮以惡少年爲手足惡少年以子都秦宮爲衣食非

能背公死黨也而能鬪蹶亂夫惟大府著爲令引繩
批根無所顧投鼠夫有所當其罪者也夫祖于庭葬于
墓所以卽遠也三月而葬亦猶行古之道也而是邑也
感于相塚之言停喪待吉上及其高會小民之家亦寧
火而藏之望壘而以待吉壤其甚也一坏之士兩家構
難竟世而不休夫是邑也衣冠人文甲海內是盡地靈
也而乃相塚之爲或相塚之人利其有停待遷徙若巫
覡之言禍福也是不可不峻逐也夫惟大府著爲令速
之葬而峻之逐民可使無惑也泉刀者猶水之行地也
白金也而僞之黑濁之氣未竭也五銖不能也乃至比
鵝眼使其易以廢旋賤而收之而更爲私鼓鑄民朝負
擔而走于市得耗金敗錢何以糊其口也夫惟大府著
爲令責鍛工而嚴私鑄則泉刀流布也夫惟隸胥役古
有名數也而今何額哉一邑之庭有輿隸也附之以白
役一人在庭十人在門在庭者趨在門者待一有差遣
一人化而爲十人矣夫是十人也其家之父母妻子何
財之贍而身之資也夫獨不有生業乎夫惟大府著爲

無雞犬之聲土瘠土也海之民鍾不能置一石而官後
百貨皆自外至舟裝駟駝數十鍾不能置一石而官後
稅之比年有中官之擾稅金且至千民如何不竭也而
但僧復從而增最之吏也念民慮夫稅之多也但僧利
乾沒爲噲最惟患慮其稅之少也夫是邑也歲糴三萬
有奇何必藉此而後可以充公帑比者今已請爲蠲而
尙存三百有奇乃區區之心尙欲大府盡除之也大府
誠盡除之令揭以告民則商賈至商賈至則貨賄集貨
賄集則價值平價價值平則民用足而免于饑寒
之患此尤令之所萬目繫心也敢以陳諸後

泉州府志卷之二十終

泉州府志
卷之十

泉州府志卷之二十一

田賦

泉負山跨海磽确之地錢鏹難施斥鹵之區衝壓不
常爲腴田者僅矣顧有田則有賦惟正之供毫不可
缺其閒輾轉相售推收淆混迨子孫零落且不知業
歸何人有賄累數世者若夫豪猾之家勾串胥役飛
洒詭寄百弊叢生巧者享無賦之田拙者輸無田之
賦又不可不防其漸也邇來鄉佃負嵎抗欠租穀有
田之家雖豐年不能半入稍值歉歲全付烏有然穀

可逋賦不可免拮据輸將漸成槁落是故奏報不及
全完非盡納戶之頑也然則清查虛實釐剔弊端抑
豪強而恤孱懦是在良有司加之意哉志田賦

泉州府

原額官民田地山蕩池塘坂共一萬四千四百一十頃

九十一畝七分五釐有奇

載各縣賦役全書

除遷移荒蕪水

冲沙壓豁免田地五百七十三頃七十一畝三分七

釐有奇外

頃二十畝零三分九釐有奇內 官田四百九十四

頃八十一畝五分五釐有奇 每畝徵銀則 例詳各縣 共徵銀二

千一百六十兩零四分七釐有奇 民田一萬四百

一十四頃二十二畝零三釐有奇 每畝額徵銀米 則例詳各縣 共

徵銀八萬二千四百八十兩零九錢二分四釐有奇

共徵米三千九百二十二石一斗七升六合有奇

節年墾復田地二千九百二十頃零二十畝四分八

釐有奇共徵銀一萬五百六十兩二錢八分五釐有

奇共徵米一千九百九十八石一斗一升有奇 清

丈溢出田地共七頃九十六畝二分一釐有奇共徵
銀五十八兩八錢七分四釐有奇共徵米六斗一升
一合有奇 又尾積溢出銀六十六兩三錢五分三
釐有奇 溢額米三石五斗二升七合 蕩埕鶯滬
埠頭等項共徵銀一百八十五兩四錢二分三釐共
徵米一十二石四斗三升八合有奇

附徵雜項租稅共銀三千八百二十六兩二錢三分六

釐有奇

遇有閏年加徵銀八兩
六錢九分五釐有奇

內徵解

泉州永寧等衛原額屯田五百五十八頃四十二畝三

分九釐有奇

每畝本折色銀米則例詳各縣

共徵銀一千五百二十

四兩七錢八分九釐有奇共徵米五千三百三十一

石八斗九升八合有奇 節年墾復並清丈溢出屯

田一十四頃九十五畝零四釐有奇共徵銀三十兩

零六錢七分有奇共徵米一百九十二石九斗五升

有奇 又查出溢額銀一百六十五兩七錢一分二

釐有奇

新增屯丁共一千七百六十六丁

每丁徵銀則例

詳各縣

共徵銀五百四十七兩零四分有奇

創免額銀三千一百六十二兩一錢四分七釐二毛有

奇

勻貼顏料不敷正價銀五百一十五兩六錢零七釐有

奇

以上丁口田地正雜附屯共額銀一十二萬九千二

百五十九兩二錢一分一釐有奇

存留額載經制官役俸薪等項共銀一萬二千五百二

三兩九錢六分五釐有奇 驛站項下銀六千八百
五十三兩四錢八分有奇 支發項下銀八千一百
零三兩九錢九分有奇

以上四項除節年續裁新裁復奉畱給再於所開數
內除扣解布政司

糧驛道銀五千五百三十五兩九錢六分外 實在
畱給銀一萬六千九百九十二兩八錢一分九釐有
奇 尚該額銀十萬六千七百三十兩四錢三分內

戶工部原額本折色辦解顏料紙張并沈香等項銀一
千零六十八兩六錢六分有奇 續增陞科首墾額
外溢出民田並屯折丁銀七百三十四兩一錢一分
有奇 寺租漁酒課稅充餉銀三千零二十九兩四
錢三分二釐有奇

削免額銀三千一百六十二兩一錢四分

匠班勻入田糧內銀一百一十八兩九錢九分

勻貼顏料不敷正價銀五百一十五兩六錢有奇

地丁銀九萬八千一百零一兩五錢有奇

額徵錢糧耗羨銀共一萬三千七百八十三兩一錢一

分零

分給各官養廉並解布政司公費細數詳載各縣

外府屬稅契銀兩年無定額據乾隆二十三年分經徵

過銀四千六百九十餘兩隨徵隨解

布政司交納

細數詳載各縣

額徵當稅銀二千六百六十兩併隨大糧徵解

細數詳載各縣

額徵叛產租銀二十一兩三錢九分零

隨糧徵解細數詳各縣

額徵學租銀六十一兩一錢八分有奇例應各縣發儒

學散給廩生貧士

細數詳各縣

額征秋屯米共一萬一千四百六十一石七斗一升二

合零內 泉州府額徵南安惠安溪並羅溪縣丞

米六千三百五十四石六斗三升三合有奇

放給陸路提標

左營右營前營後營城守營中營分防大盈汛兵米

泉糧廳額徵晉江米二

千四百一十二石八斗零

放給陸路提標中營左營前營分防晉江安海汛兵

米

晉江縣自行徵收米一千二百七十五石一斗

門鑰標左

營兵米

金門縣丞自行徵收米一十二石九斗

一升七合零

放給同安營兵米

又泉州府額徵永春德化米三千一百零五石六斗六

升六合有奇

放給陸路提標分防府兵州兵米於乾隆二十五年九月為一件遠輸積累等

事案內奉

文

改歸州收州放

額徵叛產租穀折米一百八十四石七斗四升有奇

奉文

撥給

兵米

晉江縣

長州府志

卷之三十一

田賦

七

原額官民田地山蕩池塘坂四千二百六十八頃一十

四畝二分有奇內原報遷移荒蕪逃亡產二百七十

二頃二十七畝九分零又乾隆二年奉 文豁免逃

亡故絕水冲坍陷民鹽田地產一十二頃一十五畝

九分零又乾隆七年奉 文建蓋西倉衙署地基豁

產七畝七分三釐又乾隆九年奉 文豁免萬承儀

蕭九娘水冲沙壓產三頃二十一畝六分一釐零又

乾隆十七年奉 文豁免黃芳浴陳德邊水冲沙壓

畝五分四毫三絲八忽六微二纖四沙內

一則徵糧料差增官田五頃九十五畝二分有奇每畝徵銀

九分四釐八毫四絲四忽四沙六塵九秒六漠共徵銀五十六兩四錢五分

一二釐零

一則徵糧料差增民田地二千七百三十九頃四十畝

三分七釐有奇每畝徵銀八分五釐五毫零徵米共

徵銀二萬三千四百四十七兩二錢五分四釐有奇

共徵米一千六百五十一石一斗六升四合有奇

一則徵糧料差增墾田地六百九十三頃八十三畝一

分五釐有奇

每畝徵銀五分六釐九毫九忽九微一釐六沙徵米六合二抄七撮七圭四粒

二共徵銀三千九百四十八兩五錢八分九釐零共

徵米四百一十八石二斗二升一合零

一則徵糧料增民墾田地五百二十八頃八畝八分八

釐有奇

每畝徵銀四分九釐八毫六絲三忽六微一釐八沙徵米六合二抄七撮七圭四粒二黍

共徵銀二千六百三十三兩二錢九分二釐零共徵

米三百一十八石三斗二升一合零

斗三升六合零

一則徵糧料六百文則鈔坂一頃八十五畝七分三釐

每畝科鈔六百文共計鈔一十一萬一千四百三十

八文每百文折稅米四升共稅米四十四石五斗七

升五合二勺每石徵銀一兩六錢二分六釐

零每畝徵米三升三勺一抄九粟六粒七黍共徵銀

七十二兩五錢一分四釐有奇共徵本色米五石六

斗二升九合零

一則徵糧料五百文則鈔坂九十四畝二分二釐

每畝科鈔五百文共計鈔四萬七千一百一十文每百文折稅

米四升共稅米一十八石八斗四升四合每石徵銀

一兩六錢二分六釐零每畝徵米二升五
合二勺五抄八撮四圭一粟三粒八黍 共徵銀三

十兩六錢五分五釐有奇共徵本色米二石三斗七

升九合零又雍正元年報墾遵照新例應于雍正六

年起科民田地二頃七十一畝七分五釐有奇每畝徵銀

八分五釐五毫九絲六忽二縷一沙 共徵銀二十三
微米六合二抄七撮七圭四粒二黍

兩二錢六分八毫零共徵本色米一石六斗三升八

合零雍正二年報墾遵照定例于雍正七年起科民

田地二十四畝四分二釐科則如前共徵銀二兩九分二

上諭統于雍正七年起科民田地二頃七十三畝三釐有

奇科則共徵銀二十三兩三錢七分八毫零共徵本

色米一石六斗四升五合零雍正八年里民自首墾

復奉檄歸入雍正七年起科民田地十九畝四分一

釐有奇科則共徵銀一兩六錢六分一釐零共徵本

色米一斗一升七合零雍正三年報墾展界遵照定

例應于雍正八年起科民田地一十七畝七分科則

共徵銀一兩五錢二分三釐零共徵本色米一斗七

合零雍正四年報墾遵照定例于雍正九年起科民

田地二十五畝二分八釐科則如前共徵銀二兩一錢六

分三釐零共徵本色米一斗五升二合零雍正五年

報墾遵照定例應于雍正十年起科民田地一頃七

十畝六分二釐有奇科則如前共徵銀一十四兩六錢四

釐零共徵本色米一石二升八合零雍正十年原報

丈溢遵照里民自首事例應于雍正十年起科民田

民地六十七畝四釐有奇科則如前共徵銀五兩七錢三

分九釐零共徵本色米四斗四合零雍正八年報墾

二分有奇

科則如前

共徵銀一錢三釐零共徵本色米七

合零雍正九年續報雍正八年展界遵照定例應于

雍正十三年起科民寺田地一十六畝三分有奇

科則

如前共徵銀一兩三錢九分五釐零共徵本色米九升

八合零雍正十年墾復遷移遵照定例應于乾隆二

年起科民田地四十畝二分有奇

科則如前

共徵銀三兩

四錢四分三釐零共徵本色米二斗四升二合零雍

正十一年報墾遵照定例應于乾隆三年起科民田

地三十四畝五分有奇

科則如前

共徵銀二兩九錢六分

零共徵本色米二斗八合零雍正十二年里民報墾

展界民寺及額徵溢出遵照定例應于乾隆四年起

科田地六十二畝五分有奇

科則如前

共徵銀五兩三錢

五分七釐零共徵本色米三斗七升七合零雍正十

三年冊報勸墾徵糧料增民田地遵照定例應于乾

隆九年起科民田地五頃三十三畝五分有奇

每畝徵銀

四分九釐八毫六絲三忽六微一纖八

共徵銀二十

沙徵米六合二抄七撮七圭四粒二黍

六兩六錢四分五釐零共徵本色米三石二斗一升六合

零乾隆五年里民報墾遷荒徵糧料增民田地邊墾

定例應于乾隆十年起科民田地二頃七十二畝八

分九釐有奇科則如前共徵銀一十三兩六錢七釐零共

徵本色米一石六斗四升四合零乾隆十八年里民

首墾額外溢出糧料差增田八畝五分五釐有奇每畝

徵銀八分五釐五毛九絲六忽二纖一共徵銀七錢

三分二釐零共徵本色米五升一台零乾隆二十二

年里民首墾額外溢出徵糧料差增地一十三畝三

毛有奇科則如前共徵銀八錢五分六釐二毫零共徵本

色米六升三勺零乾隆二十三年里民首懇額外溢

出徵糧料差增地一十五畝四分八釐科則如前共徵銀

一兩三錢二分五釐零共徵本色米九升三合零

以上原額並節年墾復通共官民田地山蕩池塘坂

三千九百九十八頃四十七畝一分七釐九毫有奇

共徵銀三萬三百六十八兩六錢七分六釐三毫零

共徵本色米二千四百一十二石八斗九升四合六

勺零

寺租充餉銀五百五十二兩六錢三分四釐
修倉銀八兩二錢八分七釐零

酒稅銀五十二兩六錢

逢閏加徵銀四兩
三錢八分四釐

起運價脚漁課銀六十二兩八錢一分四釐八毫零

漁課銀四百一十九兩五錢七分一釐六毫零

軍辦漁課銀二十八兩五錢五分五釐一毫零

陞科漁課銀七錢

以上雜項租稅共銀一千一百二十五兩一錢六分

三釐四毫有奇

附徵泉州衛原額本折屯田地四十七頃六十畝一分
八釐有奇內折色米二百一十九石一斗八升七合
零折徵銀六十二兩四錢五分六釐五毫有奇徵本
色上倉米七百二十五石六斗五升四合九勺

附徵泉州衛新增屯丁一百四十九丁共徵銀五十二
兩四分一釐八毫有奇

附徵永寧衛原額本折屯田地共三十四頃三十六畝
九分七釐有奇內徵折色米九十一石四斗一升七

合七勺零折徵銀四十二兩七錢一分八釐三毫有

附徵永寧衛新增屯丁一百十九丁共徵丁銀四十一

兩五錢六分三釐有奇

外削免額銀一千四百九十五兩四錢五分八釐

匠班銀九十三兩九錢九分七釐五毫零

素文勻入田糧內徵解

勻貼顏料不敷正價銀二百五十五兩六錢七分八釐

八毫有奇

以上丁口田地正附屯共銀三萬九千一百四十兩

零七錢六分七釐二毫有奇

外酒稅逢閏加徵銀四兩三錢八分四釐

存留額載內

支發項下

科舉進士牌坊銀二百兩二錢五分

經費項下銀三千二百五十四兩六分六釐六毫有奇

內

分守興泉永道俸銀一百五兩整

門子四名皂隸一十二名健步一十二名聽事二

名舖司兵二名轎傘扇夫七名共三十九名工食

銀二百四十一兩八錢

泉州府知府俸銀一百五十兩整

門子二名步快一十六名皂隸十六名庫子四名
禁卒十二名斗級六名馬快十名轎傘四夫七名
共七十三名工食銀四百五十二兩六錢

泉州府同知俸銀八十兩整

門子二名皂隸一十二名健步八名斗級四名轎
傘扇夫七名共三十三名工食銀二百四兩六錢
泉州府添設移駐西倉同知俸銀八十兩整

門子二名步快八名皂隸一十二名轎傘扇夫七

名民壯二十名共四十九名工食銀三百三兩八

錢

府通判俸銀六十兩整

門子二名皂隸一十二名步快八名轎傘扇夫七

名民壯二十名共四十九名工食銀三百三兩八

錢

府經歷俸銀四十兩整

門子一名皂隸四名馬夫一名共六名工食銀三

泉州府司獄俸銀三十一兩五錢二分

皂隸二名工食銀一十二兩四錢

府儒學教授訓導二員俸銀八十五兩整

門子三名齋夫二名共五名工食銀三十一兩

膳夫二名工食銀一十三兩三錢三分三釐三毫

有奇

晉江縣知縣俸銀四十五兩整

門子二名皂隸一十六名馬快八名轎傘扇夫七

名庫子四名斗級四名民壯五十名共九十一名

工食銀五百六十四兩二錢

禁卒八名工食銀四十九兩六錢

晉江縣縣丞俸銀四十兩整

晉江縣典史俸銀三十一兩五錢二分

門子各一名皂隸各四名馬夫各一名共一十二
名工食銀七十四兩四錢

晉江縣儒學教諭訓導一員原俸併加增俸銀八十

兩整

有奇

深滬烏滸圍頭巡檢改雜陽浦邊鷓鴣各一員共三員俸銀九十四兩五錢六分

皂隸各二名共六名工食銀三十七兩二錢

驛站項下

晉安驛贍夫馬夫廩糧等銀一千六百一十四兩四錢八分

支發項下銀三千一百三十三兩五錢三分九釐有奇

丙

布政使司宴賞貢使銀二兩四錢

泉州府廩生四十名廩糧銀一百一十二兩

泉州府

聖廟香燈銀二兩五錢二分

府學歲貢生員往京盤纏旗扁銀二兩五錢

晉江縣廩生二十名廩糧銀五十六兩

晉江縣

聖廟香燈銀二兩五錢二分

文廟山川社稷等壇祠銀二百二十八兩又加
關帝廟祭品銀二十四兩整

鄉飲銀一十五兩三分
習儀拜耆救護香燭銀六錢

祈晴禱雨香燭銀三兩

存恤孤貧月糧銀七百八兩又衣布併加增銀一百
九兩一錢二分共銀八百一十七兩一錢二分

囚犯口糧銀三十兩整

身州府志 卷之二十一
修理城隍廟學山川社稷等壇祠銀四十兩整

續編內閣李 春秋祭祀銀陸兩整

鄉賢名宦二祠門子一名工食銀二兩整

汀漳龍道看衙并本府同知通判看館門子共四名

工食銀六兩整

山川社稷邑厲三壇壇夫二名工食銀二兩四錢

雒陽橋橋夫銀九錢

府前鼓樓雒陽等舖司兵共四十一名工食火把銀

一兩六錢

添設蓮埭新亭等舖司兵二名工食銀五兩四錢九分二釐一毫零

雒陽浦邊鷓鴣三巡檢弓兵各一十八名共五十四名工食銀九十八兩五錢八分

縣學歲貢生盤纏旗扁銀一兩二錢五分

大比進士花幣旗扁銀三十六兩整

新科舉人花幣旗扁銀八十八兩二錢七分四釐七

毫零

舊科舉人盤纏酒席銀九百七十七兩

武舉人盤纏銀九十一兩六錢一分二釐三毫零

以上除節年續裁新裁復奉畱給共應畱給銀八千

二百二兩三錢三分五釐八毫有奇內除扣解布政

司銀一千三百九十六兩七錢八分 實在存畱銀

六千八百五兩五錢五分五釐八毫有奇 尚該額

銀三萬九百四十五兩三錢三分六釐二毫零歸於

解沈香正價銀九兩

本色辦解顏料銀四百五十一兩九錢四分一釐二毫有奇

解寺租漁課酒稅修倉等銀共一千一百三十五兩錢六分三釐四毫有奇

解匠班銀九十三兩九錢九分七釐五毫零

解削免額銀一千四百九十五兩四錢五分八釐

解勻貼顏料不敷正價銀二百五十五兩六錢七分

八釐有奇

解屯田屯丁銀一百九十八兩七錢八分九釐有奇

以上額派起運兵餉共銀三千六百三十兩零二分

七釐一毫有奇尚應解銀二萬七千三百一十五兩

三錢零九釐一毫有奇

錢糧耗羨共銀四千八百四十九兩七錢五分有奇

內送

分守興泉永道養廉銀一千九十兩四錢八分六釐

零

泉州府養廉銀七百三十八兩六錢一分八釐零

西倉同知養廉銀二百兩整

晉江縣養廉銀一千二百兩整內於錢糧耗羨內存
支銀一千五十九兩七錢三分一釐有奇尚不足
銀一百四十兩二錢六分八釐在於徵收屯米耗
羨內存支

府經歷一員司獄一員縣丞一員典史一員巡檢三
員共七員每員養廉并加給銀四十兩共銀二百
八十兩整

額派解司公費銀八百六十八兩七錢一分二釐零

撥給老農花紅酒醴銀四兩整

撥給額外孤貧詳定報銷二十名應給口糧銀六十

七兩九錢三分零

額徵稅契銀八百二十六兩七錢九分三釐零稅契原無

定額據乾隆二十三年分徵收此數隨糧起解

額徵膏稅銀一千三百九十兩每開徵銀五兩豁除新續隨時增減年無

定額隨糧起解

反... 隨時

額徵秋屯米共三千六百八十八石六升有奇

徵收撥散

前已著明
府總數內

徵收叛產租谷折米一十七石九斗八合零

漆散
兵米

南安縣

原額官民田地山蕩學塘三千六百一十六頃一十六

畝九分官壕堤三所內除原報遷移荒蕪官學塘二

十九畝八分五釐官壕堤三所又康熙元年奉文

豁免荒蕪田地八十四頃三畝二釐零又乾隆二年

奉 交通查缺額田地一十五頃八十六畝二分五

釐零又乾隆九年奉 交通查缺額田地一十二頃

二十四畝六分三釐零又乾隆十七年水冲沙壓田

地六頃三十六畝三分八毫零

實在官民田地山蕩共三千四十七頃四十五畝三分

六釐九毫有奇內

官田地一十六畝二分三釐零內

先農壇徵料折增田地一畝三分每畝徵銀五分二釐三毫八絲七忽一纖三沙

徵本色米一石九抄夫徵銀六分八釐共徵米二石

徵料折差地山地五畝一分零每畝徵銀八分一釐七毫二絲八微四纖八沙

徵本色 勻九抄一撮四 共徵銀四錢二分四釐共徵米九

勻九抄五撮有奇

又料折差增田九畝七分三釐科則如前 共徵銀七錢九分

五釐共徵米一合八勺六抄有奇

民田地共三千零四十七頃二十九畝一分三釐二毫

有奇內

一則徵料折增田地二百二十八頃三十四畝七分八

釐有奇

每畝徵銀五分二釐三毛八絲七忽一纖三沙徵本色米一石九抄一撮四圭一粟七粒

共徵銀一千一百九十六兩二錢四分六釐共徵米

四石三斗七升九勺有奇

一則徵料折差增寺田山地六十一頃三十四畝二分

有奇

每畝徵銀八分一釐七毫二絲八微四纖八沙徵本色米一石九抄一撮四圭一粟七粒共

徵銀五百一兩二錢九分二釐零共徵米一石一斗

七升四合有奇

一則徵料折差增山田地二千七百三十五頃二十八

畝二分八釐有奇

科則

共徵銀二萬二千三百五十

八合有奇

一則徵不受官米料差田地二十二頃三十一畝八分

有奇

每畝徵銀七分五釐三毫八絲七忽六微徵本色米一勺九抄一撮四圭一粟

共徵銀

一百六十八兩二錢五分四釐零共徵米四斗二升

七合有奇康熙二年墾復荒蕪田八十一頃八畝九

分八釐有奇

每畝徵銀五分二釐三毫八絲七忽一微三沙微半一勺九抄一撮四圭一粟

七粒

共徵銀四百二十四兩八錢五釐零共徵本色米

一石五斗五升二合有奇康熙二十二年展界墾復

田一頃二十二畝三分六釐有奇科則如前共徵銀五兩

八錢五分四釐零共徵本色米二升一合有奇雍正

十三年勸墾徵料折增田六頃六十六畝一分二釐

有奇科則如前共徵銀三十四兩八錢九分四釐零共徵

米一斗二升七合有奇乾隆十七年里民首墾徵料

折增水田四畝八分有奇每畝徵銀五分二釐三毫八絲七忽一纖三沙徵米

一勺九抄一撮四圭一粟七粒共徵銀二錢五分有奇共徵米九勺

二抄三撮有奇

以上經界復得折增田地共八十八頃九十一畝六分

九釐有奇

康熙二十一二等年展界墾復徵料折差增田地三

百八十一頃八十三畝九分八釐有奇 每畝徵銀八分一釐七毫

二絲八微四纖八沙微末一 勺九抄一撮四圭一粟七粒 共徵銀三千一百二十

兩零四錢二分八釐有奇共徵本色米七石三斗零

七合有奇康熙二十七八等年展界墾復徵料折差

增田四十八頃六十四畝七分七釐有奇 科則如前 共徵

銀三百九十七兩三錢四分九釐零共徵本色米九

斗二升九合有奇康熙三十年為沿海田陷糧懸等

事案內清丈查出里民自首新墾征料折差增田三

頃四十九畝八分一釐有奇科則如前共徵銀二十八兩

五錢八分七釐零共徵米六升六合有奇康熙四十

五六等年展界墾復徵料折差增田地四頃二十八

畝九分七釐有奇科則如前共徵銀三十五兩零五分六

釐共徵本色米八升一合有奇康熙五十四五等年

里民自首展界墾復徵料折差增田地四頃八十四

畝八分五釐有奇科則如前共徵銀三十九兩六錢二分

一釐零共徵本色米九升三合有奇雍正二年遵照

畝八分八釐有奇科則共徵銀三兩五錢三釐零共

徵本色米八合有奇乾隆十五年里民首墾

于本年起科差增民田二頃四畝四分有奇科則共

徵銀一十六兩七錢零四釐共徵米二升九合有奇

乾隆十七八年等年里民首墾于本年起科差增旱田

五畝一分五釐有奇科則共徵銀四錢二分零共徵

米一合有奇乾隆二十五年里民首墾于本年起科

徵料折差增田二十七畝六分六釐有奇科則共徵

銀三兩七分八釐三毫零微米七合二勺零

以上墾復料折差增田地共四百四十六頃零二畝

六分四釐有奇

外里民首墾溢田一頃二十九畝八分有奇科則如前

共徵銀九兩五錢五釐零共徵本色米二升四合有

奇

以上原額並節年墾復通共官民口地三千五百八

十三頃六十九畝五分三釐七毫有奇官塚埋二所

斗三升一合有奇

附徵項下

酒稅銀六兩

遇開加徵
銀六錢

寺租銀七百三十六兩一錢四釐七毫零

漁課銀八十兩九分三釐二毫零

原續增陞科丁米銀四兩一錢三分零五毫零

續增新墾陞科銀一百二十兩四錢五分九釐五毫

零

泉州府志 卷之二十一
三
船稅銀三十一兩五錢一分二釐

以上附徵雜項租稅銀九百七十八兩三錢有奇

附徵永寧衛本折色屯田地除水冲沙壓豁免無徵外

實在田地共八十八頃九十六畝五分六釐九毫有

奇內徵折色米七百七十六石一斗一升一合五勺

零折徵銀二百二十五兩九錢七分五釐八毫有奇

徵本色上倉米九百五十七石三斗五升二合有奇

附徵永寧衛新增屯丁二百八十九丁共徵銀七十五

附徵泉州府衛本折色屯田地除水冲沙壓豁免無徵外

釐八毫有奇內徵折色米一百五十七石五斗九升
六合九勺零折徵銀四十二兩一錢九釐六毫有奇
共徵本色上倉米一百六十一石二斗一升七合二
勺

附徵泉州衛新增屯丁五十丁徵銀一十三兩九分零
三毫有奇

外削免額銀五百三十七兩八錢八分二釐七毫

匠班銀九兩

雍正十三年奉
文
勻入田糧內徵解

勻貼顏料不敷正價銀一百二十八兩三錢九分九釐
八毫有奇

以上丁口田地正雜附屯共銀三萬二千九百三十

三兩三錢三分九釐二毫有奇

遇閏加徵
銀五錢

移駐羅溪縣丞分徵起存銀三千九百零八兩二分八

釐八毫有奇外 實在縣征起存銀二萬九千二十

五兩三錢一分零四毫有奇

存畱額載

科舉進士牌坊銀八十兩正

經費項下

南安縣俸銀四十五兩整

門子二名皂隸一十六名馬快八名轎傘扇夫七
名斗級四名庫子四名民壯二十四名共六十五
名工食銀四百三兩整

禁子八名工食銀四十九兩六錢正

縣丞俸銀四十兩正

典史俸銀三十一兩五錢二分

身少府志 卷之二十一
門子各一名皂隸各四名馬夫各一名共一十二
名工食銀七十四兩四錢

儒學教諭訓導二員原俸并加品俸共銀八十兩正
齋夫三名門子三名共六名工食銀三十七兩二
錢正

膳夫二名工食銀一十三兩三錢二分三釐三毫
三絲

大盈司巡檢原兼康店驛驛丞俸銀三十一兩五錢

驛站項下

皂隸一名工食銀一十二兩四錢

康店驛膳夫膳馬廩糧等銀一千一百九十兩四錢

正內裁四站銀五百九十五兩二錢零解赴

糧驛道衙門交納

支發項下

布政司衙門宴賞貢使銀二兩正

南安縣

聖廟香燈銀二兩五錢二分

廩生二十名廩糧銀五十七兩八錢六分六釐六毫

零

習儀拜賀救護香燭銀六錢正

春秋二祭

文廟山川社稷等銀一百二十三兩二錢正

關帝廟祭品銀一十八兩正

鄉飲銀八兩正

修理

存恤孤貧衣布口糧銀一百五十二兩八錢二分二釐三毫有奇

又加給孤貧口糧衣布共銀二百一十兩七錢九分六釐有奇

文廟鄉賢名宦祠門子一名銀二兩正

山川社稷邑厲壇夫三名銀二兩四錢正

萬石阪夫一名銀五錢正

康店驛公館門子一名銀二兩正

武榮大盈肆鋪司兵二十名工食火把銀一百四十

一兩三錢五分九釐九毫零

錦亭湖埧等一十二鋪司兵三十六名工食銀一百

七十八兩五錢五分九釐九毫零

大盈驛驛丞改設巡檢新設弓兵一十八名工食銀
三十二兩八錢六分正

縣學歲貢生員往京盤纏銀一兩二錢五分正

大比年進士花幣旗扁銀五兩三錢三分三釐三毫

什料銀一十七兩三錢三分三釐三毫

舊科舉人盤纏酒席銀二百三兩二錢三分三釐四毫零

武舉人盤纏銀三十五兩四錢五釐八毫零

撥歸項下

乾隆二十年五月奉 文將原編官俸役食改歸附

郭首邑就近解送原編之州縣改入起運項下內

布政使司衙門薪俸銀三十四兩四錢九分一釐

分巡興泉永道衙門皂隸二名轎傘夫五名聽事吏

二名共九名工食銀五十五兩八錢正

泉州府衙門皂隸八名轎傘扇夫七名庫子三名斗

級一名共一十九名工食銀一百一十七兩八錢

正

禁子九名工食銀五十五兩八錢正

泉州府同知皂隸七名轎傘扇夫七名共一十四名

工食銀八十六兩八錢正

泉州府通判薪湊俸銀一十二兩五錢四分正

府儒學齋夫二名工食銀一十二兩四錢正

膳夫一名工食銀六兩六錢六分六釐六毫零

又乾隆二十一年正月爲通飭遵照事奉 文將各

屬原編表夫以二十年爲始歸入起運項下內

按察司衙門進

表隨船家伙銀六兩正

泉州府進

表合用紙張銀六錢二分五釐

以上撥歸起運共銀四百三十八兩五錢二分三釐
零

以上除節年續裁新裁外原額并復奉畱給共存畱
銀三千三百三十二兩五錢六分九釐八毫有奇內
除扣解

布政司衙門

糧驛道衙門共銀九百四十二兩五錢六分 割歸

羅溪縣丞分徵存舊銀一百二兩 實在縣存畱

九千五百八十八兩九錢四分 尚核預銀二萬

起運項下

辦解本色顏料銀二百五十八兩四錢六毫零

辦解香料銀六兩整

寺租銀六百七十九兩三錢一分一釐二毫零

酒稅銀陸兩正

漁課銀八十兩九分三釐二毫零

原續增陞科丁米銀四兩一錢三分五毫零

續增新墾陞科銀一百二十兩四錢五分九釐五毫

零

船稅銀三十一兩五錢一分二釐

屯折丁銀二百四十七兩六錢四分六釐有奇

班匠銀九兩正

削免額銀四百一兩八錢八分一釐九毫零

勻貼顏料不敷正價銀一百二十八兩三錢九分九

釐零

撥歸官役俸食起運銀四百二十八兩五錢二分三

割歸羅溪縣丞起運銀三千八百六兩

毫零

以上額派雜項並撥歸割歸起運共銀六千二百一

十七兩三錢八分四釐七毫有奇除節年豁免無徵

外尚徵解銀二萬三千三百八十兩零六錢二分五

釐一毫有奇

錢糧耗羨額徵共銀三千四百八十二兩六錢六分七

釐有奇內送

分守興泉永道養廉銀三百五十六兩一錢五分有

奇

泉州府養廉銀九十五兩四錢五釐有奇

泉州府西倉同知養廉銀三百兩正

泉州府糧廳養廉銀二百一十兩四錢七分有奇

南安縣養廉銀一千兩正內于錢糧耗羨內存支銀

九百二兩二錢四分六釐有奇尚不敷銀九十七

兩七錢五分三釐零在於徵收米耗項下存支

典史養廉銀四十兩正

巡檢司養廉銀四十兩正

奇

撥給額外孤貧口糧銀三十九兩五分正

以上共解支銀二千四百四十六兩四錢五分有奇

稅契銀四百七十兩一錢七分零

年無定額隨徵隨解

額徵當稅銀一百七十五兩

每開徵銀五兩隨時增減年無定額

徵收叛產租銀五兩一錢四分五釐

隨糧徵解

額徵學租銀一十六兩六錢六分

發儒學散給貧士

額徵秋屯米共一千一百八十七石一斗九升二合

有奇 歸併府倉
散給兵米

額徵叛產租粟折米二千一石五斗七升七合零

給添

兵米

惠安縣

原額官民田地山林池塘共二千四百八十二頃七十

一畝九分七釐一毫九絲內原報遷移荒蕪官民墾

田地山林池塘二千一十三頃二十九畝二分零

實額官民田地四百六十九頃四十二畝七分六釐零

七絲六忽三微一纖四沙 共徵銀六十六兩五錢七分一釐有奇

一則官折田六頃五十五畝二分四釐有奇 每畝徵銀二分五毫

九忽一微二纖二沙 共徵銀一十三兩四錢三分八釐有奇

一則官折田地二頃三十三畝四分四釐有奇 每畝徵銀四分

六釐一毫七絲五忽九微四纖三沙 共徵銀一十兩七錢七分九釐有奇

奇

一則民增糧料四差新增田地四百二十頃一十四畝

八分 每畝徵銀八分七釐六毫六絲四忽四微四纖六沙徵米一升二合六抄八撮二圭一粒 共

徵銀三千六百八十三兩二錢四釐有奇共徵米五百零七石四升三合零康熙五年起至五十四等年止又雍正七年起至乾隆四五等年止清丈墾復官民墾田地山林一千九百一十二頃八十五畝一分三釐有奇內

一則官折田六頃四十六畝四分五釐每畝徵銀一錢二分三釐四毫

五絲一忽五微四纖五沙共徵銀七十九兩八錢五釐有奇

一則官折田地八十二頃一十六畝二分一釐零每畝徵銀

七分七毫一絲五共徵銀五百八十一兩一分一釐

有奇

一則官折田一百一十三頃三十一畝七分二釐零每畝

徵銀二分五毫九忽一微二纖二沙 共徵銀二百三十二兩四錢三釐

有奇

一則官折田地六十九頃七畝三分六釐九毫七絲每畝

徵銀一分六釐九毫七絲六忽三微一纖四沙 共徵銀一百一十七兩二錢

六分一釐有奇

一則官折田地四頃五十九畝二分五釐每畝徵銀二錢四分七釐

五毫三忽二微八纖九沙 共徵銀一百一十三兩六錢六分六釐

有奇

一則官折田地一十頃三十五畝五分五釐

每畝徵銀九分一釐

九毫三絲四忽
五微七纖六沙

共徵銀九十五兩一錢九分八釐有

奇

一則官折田地二頃五十五畝二分三釐

每畝徵銀六分四釐一毫

三絲六忽三
微九纖四沙

共徵銀一十六兩三錢六分八釐有奇

一則民徵糧料差新增田地一千一百九十三頃四十

三畝二分八釐零

每畝徵銀八分七釐六毫六絲四忽四微四纖六沙徵米一升二合

六抄八撮

共徵銀一萬四百六十二兩一錢六分三

釐有奇共徵米一千四百四十五石二斗五升八合有

奇

一則徵糧料網機增鹽田地三百一十九頃五十四畝

一分零

每畝徵銀五分一釐九毫二絲一忽二微一纖二沙徵米一升二合六抄八撮二圭一粒

共徵銀一千六百五十八兩九錢三釐有奇共徵米

三百八十五石五斗八升三合有奇

一則民徵糧料新增銀田地一百一十一頃二十六畝

八分五釐零

每畝徵銀四分三釐二毫三忽五微八纖九沙徵米一升二合六抄八撮二圭

一則共徵銀四百八十兩七錢二分有奇共徵米一百

三十四石二斗八升一合有奇

一則民徵糧差增林一十二畝八分

每畝徵銀三錢六分九釐五毫徵米

四升八合二勺七抄二撮八圭五粒

共徵銀四兩四錢七分三釐六毫

共徵米六斗一升七合有奇

原額蕩二百九所半 水門一百九十五間內

一則官蕩二十四所

水門二間

每所徵銀三錢四分六釐八毫四絲三忽

九徵八纖八沙每間徵銀八分七毫八絲五忽六微七纖三沙

共徵銀八兩四錢七

分五釐有奇

一則官蕩五所 水門五十八間

每所徵銀八分八釐三毫九絲四忽三纖

釐有奇

一則徵料差增蕩一十六所

每所徵銀八錢七分四釐六毫七絲徵米一斗二升

六勺八抄二撮一粟三粒

共徵銀一十三兩九錢九分四釐零共

徵米一石九升三合零

一則徵料差增蕩一百六十所

每所徵銀三錢四分九釐五毫每間徵銀二錢

八分二釐二毫七絲二忽徵米四升八合二勺七抄二撮八圭五粒

共徵銀九十四兩

二分六釐共徵米七石七斗二升三合有奇

一則徵料差增蕩四所半

每所徵銀一錢七分四釐九毫四絲徵米二升四合一勺

三抄六撮
四圭二粒
共徵銀七錢八分七釐共徵米一斗八合
有奇

蕩水門共銀一百二十二兩四錢一分二釐零共米
八石九斗二升六合有奇內除節年水冲沙壓并故
絕官民蕩水門共七十二間所每間所無徵銀米不
等奉

旨蠲免自乾隆二年爲始無徵銀一十九兩四錢八分二
釐無徵米二石三斗六升一合有奇外

實存蕩一百九十四所 水門一百三十七間共徵

銀一百零二兩九錢二分九釐有奇共徵米六石五斗六升四合有奇

以上官民鹽田地山林蕩水門共實徵銀一萬七千七百一十八兩九錢有奇 實徵米二千四百七十四石三斗五升有奇

附徵項下

寺租銀二百三十八兩三錢七釐九毫零

酒稅銀二兩七錢

修倉銀二兩四錢二分

身少用元 卷之三十一
原續增新科米銀一十四兩五錢七分四釐四毫零
漁課銀一百三十兩五分一釐二毫零

以上雜項租稅共銀三百八十八兩六錢五分三釐
六毫有奇

附徵福中衛折色屯田地三十二頃四十五畝五分七
毫有奇共徵折色舊額新增米四百八十七石三斗
二升七合六勺零折徵銀一百三十五兩一錢一分
四釐二毫有奇

新增屯丁四十二丁共徵銀一十五兩四錢七分九釐

附徵福右衛并原福防廳附徵福右衛歸併縣徵折色
屯田地八十四頃一畝四分四釐七毫有奇共徵折
色舊額新增米一千五百一十七石六升四合二勺
零折徵銀四百二十兩七錢一分三釐一毫有奇

新增屯丁二百五丁共徵銀七十五兩三錢九分八毫
有奇

附徵泉州衛本折色屯田地一十六頃二十九畝五分
三釐一毫有奇內徵折色米八十六石三斗六升二

合零折徵銀二十三兩八錢八分四釐有奇徵本色
上倉米二百三十五石六斗五升五合二勺有奇

新增屯丁五十五丁共徵銀二十兩二錢七分二毫有
奇

附徵永寧衛崇武衛福全二所本折色屯田地三十九
頃七十八畝六分一釐有奇內徵折色米一百六十
六石三斗七合二勺零折徵銀五十三兩一分二釐
一毫零徵本色上倉米六百二十六石七斗二升九

三八勺有奇

新增屯丁一百三十丁共徵銀四十七兩九錢一分一釐五毫有奇內除乾隆九年奉

文豁免缺額冲陷沙堆田畝勻徵屯丁無徵銀三錢五分九毫外 實徵銀四十七兩五錢六分六毫有奇

以上屯田屯丁共徵銀七百九十一兩四錢二分九釐五毫零共徵米八百六十二石三斗八升五合有奇

外豁免額銀四百五十一兩八錢七分七釐

匠班銀八兩

奉文勾入田糧內徵解

勻貼顏料不敷正價銀八十七兩二錢九釐三毫零

以上丁口田地正雜附屯共徵銀二萬一千五百六

十兩四錢八分二釐三毫有奇

存留額數

支應項下銀一百三十四兩六錢二釐內

科舉進士牌坊銀七十五兩

憲書紙張銀五十九兩六錢二釐

經費項下銀九百三十四兩八錢三分三釐三毫零內

惠安縣俸銀四十五兩

門子二名皂隸一十六名轎傘扇夫七名民壯五十名馬快八名斗級四名庫子四名共九十一名
工食銀五百六十四兩二錢正

禁卒八名工食銀四十九兩六錢

新設良興司巡檢俸銀三十一兩五錢二分

皂隸二名弓兵十八名共二十名工食銀四十五兩二錢六分

典史俸銀三十一兩五錢二分

門子一名皂隸四名馬夫一名共六名工食銀三

十七兩二錢

儒學教諭訓導二員原俸并加品俸銀八十兩

齋夫三名門子三名共六名工食銀三十七兩二

錢

膳夫二名工食銀一十三兩三錢三分三釐三毫

零

驛站項下

綿田驛夫馬前集糧等銀一千四百六十三兩二錢內

糧驛道衙門銀七百五十六兩四錢

支發項下銀一千二百五十九兩二錢八分九釐一毫
有奇內

布政司衙門宴賞銀一兩六錢

廩生二十名廩糧銀五十七兩八錢六分六釐六毫
有奇

聖廟香燈銀二兩五錢二分

祈晴禱雨銀一兩二錢

習儀救護等銀六錢

春秋祭祀銀一百二十三兩二錢

關帝廟祭品銀一十八兩

鄉飲二次銀五兩

孤貧口糧衣布銀二百三十四兩五錢六分

又加給孤貧口糧除扣支小建外實加給銀一百七

十四兩

囚犯月糧銀二十兩

縣前白水等七舖司兵三十五名工食銀三百二十

五兩五錢正

前埔舖司兵二名工食銀八兩二錢六分六釐六毫
零黃田青山崇武三舖司兵六名工食銀二十二
兩二錢二分

縣學歲貢生員往京盤纏等銀一兩二錢五分

大比進士花幣旗扁銀五兩三錢三分三釐三毫零

新科舉人花幣旗扁銀一十兩六錢六分六釐六毫

零

舊科舉人盤纏酒席銀二百二兩二錢二分三釐三

臺零

武舉盤纏銀四十四兩七分二釐五毫

以上除節年續裁新裁外原額并復奉留給共銀三千七百九十一兩九錢二分四釐五毫零內除扣解布政司

糧驛道衙門共銀一千二百五十六兩零四釐實在縣存舊銀二千六百三十五兩九錢二分零五毫尚該額銀一萬七千七百六十八兩五錢五分七

釐七毫有奇歸於

起運項下內

辦解香料正價銀六兩

辦解顏料正價銀一百九十四兩一錢八分八釐七

毫有奇

辦解鄉飲酒禮銀五兩正

削免額銀四百五十一兩八錢七分有奇

匠班銀八兩正

奉文勻入田糧內徵解

勻貼顏料不敷正價銀八十七兩二錢零九釐

以上額派起運共銀七百五十二兩二錢六分七釐

七毫外尚徵解銀一萬七千零一十六兩二錢九分
有奇

錢糧耗羨額徵共銀三千七百四十二兩九錢二分七
釐有奇內解送

分守與泉永道養廉銀五百一兩八錢四分四釐零
泉州府養廉銀三百六十八兩七錢二分三釐零
廈防廳養廉銀二百兩正

惠安縣養廉銀一千兩正錢糧耗內存支銀五百九
十九兩六錢尚不敷銀四百兩零四錢在於屯米

典史養廉並加增銀四十兩

賞給老農花紅酒醴銀四兩正

解司公費銀一千五百二十八兩三錢六分

以上共解支銀三千七百四十二兩九錢二分有奇

額徵稅契銀二百六兩六錢五分六釐零

稅契年無定額隨徵

隨解

額徵當稅銀一百三十兩正

年無定額隨時增減彙同大糧徵解

額徵學租銀五兩五錢一分六釐零

發儒學散給貧士

叛產租銀無

額徵秋屯米三千三百三十六石七斗三升一合有

奇

歸併府倉
放給兵米

叛產租穀無

安溪縣

原額官民田地山溪塘一千四百二十九頃七分二釐

有奇

實額官民田地山溪塘一千四百二十頃四畝八分二

釐有奇

官田地山溪一百八十三頃七十八畝八分四毫零內

一則官田二頃三十三畝五分七釐零每畝徵銀一錢七分六釐九毫

二絲二忽四微五纖二沙共徵銀四十一兩三錢二分四釐有奇

一則寺田三頃三十七畝九分八釐八毫每畝徵銀一錢一分八釐

三毫三絲二忽六纖三沙共徵銀三十九兩九錢九分四釐有奇

一則田地山六頃一十五畝六分二釐零每畝徵銀六分七釐九毫

五絲一忽五微四纖共徵銀四十一兩八錢三分二釐有奇

一則租田山溪一百四十九頃九十四畝三分五釐有

奇每畝徵銀二分四毫二絲三忽八微六纖九沙共徵銀三百零六兩二錢

四分二釐七毫零

一則學田地四頃八十六畝六分四釐每畝徵銀一分六釐九毫八絲

七忽共徵銀八兩二錢六分六釐有奇

一則租地一十七頃一十畝六分五釐零每畝徵銀一分六釐三毫

八忽共徵銀二十七兩八錢九分八釐有奇

民田山地溪塘一千二百三十六頃二十五畝九分九

釐五毫內

一則徵糧料增田地一百零一頃八十六畝九分一釐

有奇每畝徵銀五分二釐五毫八絲共徵銀五百三

一則徵糧料差增田一千一百三十四頃三十九畝七

釐有奇

每畝徵銀八分六釐二毫三絲九忽八微六纖二沙三塵八埃二抄

共徵銀九

千七百八十二兩九錢七分三釐有奇

以上官民田地山溪塘共實徵銀一萬零七百八十

四兩一錢九分三釐有奇

又雍正七八等年里民自首報墾額溢官學租田地

一十五畝四分三釐零

每畝徵銀一分六釐九毫八絲七忽于本年起科銀二錢

六分二釐

二毫有奇又雍正七年欽奉

身少府志 卷之二十一
上諭事案內查出地丁零積溢銀六兩九錢九毫零又雍

正十一年里民首墾額外溢出民地七分每畝徵銀五分二釐

五毫八絲三忽四微三纖于本年起科銀三分
六釐八毫八忽四絲五沙五塵五埃八抄八漠又雍

正十三年冊報勸墾園地一十五畝六分二釐六毫

每畝徵銀一分六釐三毫八忽四微于乾隆甲子年
起科銀二錢五分四釐八毫三絲五忽五纖八沙四
塵

以上官民田地山溪山地溪塘一千四百二十頃三

十六畝五分六釐六毫有奇共實徵銀一萬零七百

九十一兩六錢四分五釐四毫零

附徵雜稅項下

寺租充餉銀二百五十七兩二錢八分二釐九毫零
山地租銀二兩一錢正

船稅充餉銀一十兩正

爐稅充餉銀六十兩正

原續增陞科丁米銀一兩五錢九分五釐

續增陞科米銀一百一十四兩四錢六分九釐零

以上雜項租稅共銀四百四十五兩四錢四分六釐

九毫有奇

附徵永寧衛本折屯田田地一百六十四頃七十九畝
三分二釐三毫有奇內徵原編折色米一千四百六
十七石五斗五升七勺零折徵銀五百四十九兩九
錢一分二毫有奇徵本色上倉米一千八百三十石
六斗二升九合四勺零

新增屯丁五百七十七丁共徵銀一百五十八兩五
錢九分五釐五毫有奇

外豁免額銀二百六十二兩二錢八分六釐零

匠班銀五兩正

奉田糧

徵解文勺入

勻則顏料不敷並價銀四十四兩三錢一分九釐一毫零

以上丁口田地正雜附屯共額徵銀一萬三千五百八十三兩九錢三分七釐八毫有奇

存留額載

支應項下

科舉進士牌坊銀一百一十二兩五錢正

經費項下銀六百七十二兩零五分三釐三毫有奇內

安溪縣俸銀四十五兩

門子二名皂隸一十六名轎傘扇夫七名庫子四名牛級四名馬快八名民壯二十名共六十一名
工食銀三百七十八兩二錢正

禁卒八名工食銀四十九兩六錢正

典史一員俸銀三十一兩五錢二分正

門子一名皂隸四名馬夫一名共六名工食銀三十七兩二錢正

儒學教諭訓導二員原俸併奉 文加給俸銀八十

齊夫三名門斗三名共六名工食銀三十七兩二

錢正

膳夫二名工食銀一十三兩三錢三分三釐三毫

零

驛站項下原支給夫馬銀五十兩八錢四分

康熙十七年奉裁

支發項下銀三百九十二兩六錢六分六釐一毫有奇

內

布政司衙門宴賞員使銀一兩二錢正

縣學廩生二十名廩糧銀五十七兩八錢六分六釐

六毫有奇

供奉

聖廟香燈銀二兩五錢二分正

習儀拜賀救護香燭銀六錢正

春秋二祭

文廟銀五十四兩正

啓聖公山川社稷等壇祠原編并勻增銀六十九兩二

錢

春秋二祭

鄉飲二次銀五兩四錢正

霜降祭旗等項銀三兩正

存恤孤貧衣布月糧銀五十三兩六錢正

又加給孤貧口糧衣布銀除扣小建外實加給銀一
十八兩一錢一分二釐

囚犯月糧銀一十二兩四錢正

山川社稷邑厲壇夫二名工食銀一兩六錢正

縣前舖司兵三名工食銀一十六兩七錢四分正

公毋林羅渡一舖司兵共六名工食銀二十一兩二

錢二分正

縣學歲貢生員往京盤纏銀一兩二錢五分正

新科舉人花幣旗扁銀二兩六錢六分六釐六毫零

舊科舉人盤纏酒席銀三兩五錢正

武舉人盤纏銀一十一兩六錢九分八毫有奇

撥歸項下

按院蔬菜燭炭銀六兩二錢

雍正十二年奉文暫歸裁捐款內造報

分守興泉永道衙門快手三名皂隸四名共七名工

食銀四十三兩四錢郭首邑就近解送原編銀兩

彙入起運

頂下批解

泉州府衙門馬快一十名工食銀六十二兩奉文改歸附

郭首邑就近解送原編銀

兩彙入起運項下批解

府經歷皂隸四名工食銀二十四兩八錢奉文改歸附郭首

邑就近解送其原編銀

兩彙入起運項下批解

表夫銀三兩康熙十七年奉裁銀一兩五錢畱給銀一兩五錢又於乾隆二十年奉文改歸起

運項下

批解

泉州府進

泉州府志 卷之二十三 田賦

表合用綾祇銀七錢六分零

奉文改歸起
屋項下批解

以上各項除節年續裁新裁外原額并復奉畱給共
存畱銀一千三百一十七兩三錢七分九釐四毫零
內除撥歸扣解銀一百四十兩一錢六分實在存畱
縣銀一千一百七十七兩二錢一分九釐四毫零尚
該額銀一萬二千四百零六兩七錢壹分八釐三毫
有奇歸於

起運項下內

辦解香料銀七兩五錢

辦解本色顏料價脚銀九十九兩四錢八分二釐四毫零

辦解折色顏料銀三十兩一錢六分三釐七毫零

新裁站銀五十兩八錢四分

兵餉額銀六千二百三十一兩三分有奇

新編屯丁加徵銀一百五十八兩五錢九分零

削免額銀二百六十二兩二錢八分六釐零

勻貼顏料不敷正價銀四十四兩二錢一分九釐有

奇

匠班銀五兩

奉文身入
田糧內徵解

以上額派起運兵餉共銀六千八百八十九兩二錢
一分一釐一毫零尚徵解起運銀五千五百一十七
兩五錢零七釐二毫有奇

錢糧耗羨

額徵耗羨銀一千六百二十兩七分二釐有奇內解送
泉州府知府養廉銀六十六兩六錢四分有奇

安溪縣知縣養廉并加增共銀八百兩內於錢糧耗
內存支銀五百八十兩三錢二分五釐零尚不足

銀二百一十九兩六錢七分四釐零在於米稅項

下存支

典史養廉並加增銀四十兩正

賞給老農花紅酒醴銀三兩正

撥給存恤額外孤貧四十名每名每月口糧銀一分

共銀一百四十四兩遇閏加增銀六兩小建扣除

額派解司公費銀七百九十六兩一錢零五釐有奇

以上共支解銀一千六百三十兩七分二釐有奇

額徵稅契銀一千六百八十六兩九錢三分零

稅契年無

定額隨
徵隨解

額徵當稅銀四十五兩正

年無定額隨
時增減批解

叛產租銀無

額徵學租銀三兩正

發儒學散給
廩生貧士

額徵屯米一千八百三十石零六斗一升九合

向例
歸併

府倉放
給兵米

額徵叛產租穀一十石九斗四升一合六勺零折米

五石四斗七升八勺

原額官民鹽田地山蕩學院海塘塚埕共二千四百三十一

十四頃八十七畝九分有奇內原報遷移荒蕪官民

鹽田地共二千一百二十一頃五畝一分零續於節

年墾復

實在官民鹽山地山蕩海塘塚埕共二千四百三十一

頃六十七畝七分有奇內

官田地山海二百五十五頃六十三畝三分二釐零內

一則田五十頃五十三畝七分有奇

每畝徵銀二分一釐四毫三絲四忽

三微七織四沙五塵九埃共徵銀一百八兩三錢二分四釐零

一則田一十二頃二十九畝五分七釐

每畝徵銀三分六釐二毫八絲

九忽五微六纖六沙

共徵銀四十四兩六錢二分五毫零

一則寺田一十九頃一十一畝五分八釐有奇

每畝徵銀一錢

二釐六毫二絲一忽九微一纖三塵九埃

共徵銀一百九十六兩一錢七

分有奇

一則學田七頃五十九畝七分七釐

每畝徵銀八分四釐五毫四絲六忽

七微一纖六沙二塵八埃

共徵銀六十四兩二錢三分六釐有奇

一則田一百三十五頃九十三畝三釐

每畝徵銀七分三釐七毫八忽

七微二纖五沙五塵三埃

共徵銀一千一兩九錢二分五釐有奇

五毫九忽五微三
纖三沙七塵五埃
共徵銀四十四兩一錢一分四釐

有奇

一則山一畝六分
每畝徵銀一分一釐
共徵銀一分七

釐零

一則田三十三畝八分六釐
每畝徵銀一錢一分八釐

共徵銀四兩二分一釐零

一則田四頃六十畝六分五釐有奇
每畝徵銀一錢七分九釐一毫五絲

三忽三微
五纖三沙
共徵銀八十二兩五錢二分七釐有奇

以上官田地山海二百五十五頃六十三畝三分有奇共徵銀一千五百四十五兩九錢五分七釐零

民田地一千七百三十六頃五十四畝八分一釐有奇
內

一則勻派本色徵料增民田一百六十二頃四十六畝

三分有奇

每畝徵銀四分六釐九絲三忽八微三纖七塵七埃徵米六合七勺七撮五圭三粟

七粒共徵銀七百四十八兩八錢五分五釐零共徵米

一百八石九斗七升二合有奇

一則勻派本色徵料差增田一千二百二十八頃一十

五畝二釐有奇

二纖二沙四塵一埃徵米六合七分

七撮五圭

三粟七粒

共徵銀一萬四百八十一兩一錢二釐零

共徵米八百二十三石七斗八升六合有奇

一則不派本色徵料增田四十五頃五十三畝三釐有

奇

每畝徵銀四分九釐九毫八絲三忽四微三纖八沙六塵

共徵銀二百二十六

兩六錢六分五釐有奇

一則不派本色徵料折差增田二百五十二頃七十五

畝五分八釐有奇

每畝徵銀八分九釐三絲一微二纖八沙一塵九埃

共徵銀

二千二百五十兩二錢八分八釐有奇

一則徵料增浮糧米田六十畝八分三釐有奇

每畝徵銀四分

九釐七毫八絲三忽四微二纖一塵

共徵銀三兩二分八釐有奇

一則徵料增無徵米田一十八頃一十八畝一釐有奇

每畝徵銀四分六釐二毫八絲一忽八微三纖八沙八塵六埃

共徵銀八十四兩一

錢四分一釐有奇

一則官田三斗下則并入民田派徵田地二十五頃三

十三畝七分有奇

每畝徵銀一錢二毫九絲三忽三微四纖四沙六塵六埃征米七合

八勺八抄二撮七圭九粟

共徵銀二百五十四兩一錢一分六釐

零共徵米一十九石九斗七升二合有奇

一則官田三斗上則并入民米內派徵料差增田地三

頃五十二畝二分五釐

每畝徵銀八分七釐一毫七絲六忽四微七纖三沙徵米

六合八勺五抄一撮八圭四粟

共徵銀三十兩七錢七釐零共徵米

二石四斗一升三合有奇

以上民田地一千七百三十六頃五十四畝八分一

釐共徵銀一萬四千零七十八兩九錢六釐零共徵

米九百五十五石一斗四升五合有奇

節年墾復鹽田地四百三十九頃四十九畝六分有奇

內

一則勻派本色米鹽戶徵料增十分差三田三十八頃

八十七畝四分六釐有奇 每畝徵銀五分六釐一毛七絲八忽一微五纖一沙

五埃徵米二合一抄二撮二圭五粟一粒九黍 共徵銀二百一十八兩三錢

九分五毫零共徵米七石八斗二升二合有奇

一則不派本色米鹽戶徵料增十分差三田二百二十

六頃五十五畝七分九釐有奇 每畝徵銀五分八釐六絲三忽六纖一沙

五塵 共徵銀一千三百一十五兩四錢六分四釐有

奇

一則不派本色米涪州場鹽戶徵料增十分差一田一

七十四頃六畝四分二釐

每畝徵銀五分二毫九忽八微六纖七沙一塵

共徵銀八百七十三兩九錢七分四釐有奇

以上鹽田地四百三十九頃四十九畝六分八釐零

共徵銀二千四百七兩八錢二分九釐有奇共徵米

七石八斗二升二合有奇

鬻滬九所

每所科鈔六千一百文共計鈔五萬四千九百文每百文折稅米四升共稅二十一石九

斗六升每石折銀一兩五錢九分五釐一毫九絲三

微一纖六塵一埃每所徵米三斗五合九勺一抄五

撮五圭

共徵銀三十五兩二分九釐零共徵米二石

三粟

七斗五升三合有奇

埠頭三所 每所科鈔六千一百文共計鈔一萬八千三百文折稅米四升共稅米七石三斗二升每

石徵銀一兩五錢九分五釐一毫七絲三微一纖六塵一埃每所徵米三斗五合九勺一抄五撮五圭三粟

共徵銀一十一兩六錢七分六釐零共徵米九斗

一升七合有奇

荒洲一所 受鈔六千文每百文折稅米四升共稅米二石四斗每石徵銀一兩五錢九分五釐一毫

七絲三微一纖 共徵銀三兩八錢二分八釐零共徵米三斗

八勺有奇

徵租鈔料差增官房六十六間 每間受租鈔三百文共計鈔一萬九千八百文

每百文折稅米四升共稅米七石九斗二升每石徵

沙每開徵米一升五合
四抄四撮九圭三粟
共徵銀一十二兩六錢三分

三釐零共徵米九斗九升二合有奇

徵租鈔料差增官黃中七頭

每頭徵銀一兩五錢九分五釐一毫四絲九忽九微

五纖一沙每頭徵米一斗四升
五合三勺七抄四撮五圭三粟
共徵銀一十一兩一

錢六分六釐零共徵米八斗七升七合有奇

以上共徵銀七十四兩三錢三分四釐零共徵米五

石八斗四升二合有奇

外續報起科官田二頃二十四畝八分五釐有奇

每畝徵銀

七分三釐七毫八忽
七微二纖五沙五塵
共徵銀一十六兩五錢七分三

釐有奇

又續報起科不派米涪州場鹽戶田一十七畝一分有

奇

每畝徵銀五分二毫九忽八微六纖七沙一塵

共徵銀八錢六分七毫有

奇

清出隱額充餉田丁二頃五十七畝二分六釐

每畝徵銀六分

八釐九毫七絲三忽二微三纖

共徵銀一十七兩七錢四分四釐有

奇康熙四年清丈溢出充餉田一頃四十四畝五分

七釐零

徵例如前

共徵銀九兩九錢七分一釐零

又清丈溢出不派本色民田徵料折差增民田一頃六

十八畝九分三釐有奇

絲一微二纖八沙一塵共

銀一十五兩四分三毫零雍正七年開報溢額銀三

十三兩三錢九分八釐有奇溢額米三石五斗二升

七合雍正十三年勸墾陞科勻派本色徵料增民田

地一十二頃三十四畝五分八釐有奇

每畝徵銀四分六釐九絲

三忽八微三纖徵米六合
七撮五圭二粟七粒二黍

共徵銀五十六兩九錢六

釐零共徵米八石二斗八升一合有奇乾隆十二年

起節年里民首墾額外溢出民田六十一畝六分八

釐有奇

每畝徵銀米不等

共徵銀三兩六錢九分七釐零共

徵米三斗八升一合有奇

以上官民鹽田地山蕩海塘蠓埕等項共二千四百五十二頃八十畝七釐有奇共徵銀一萬八千二百六十一兩三錢七分一釐一毫零共徵米九百八十一石二升二合七勺有奇內

金門縣丞分徵米一十二石九斗一升七合零

附徵泉州衛本折色田地一十一頃六十八畝四分五毫三絲六忽二微內徵折色米一百八十九石三斗三升四合四勺零折徵銀六十三兩七錢七分六釐

九毫零共徵本色上倉米三十六石六斗一升七勺
有奇

新增屯丁三十八丁共徵銀一十三兩五分七釐三
毫零

附徵永寧衛本折色屯田地三十二頃七十九畝四分
三釐五毫零內徵折色米二百五十八石七斗九升
一合八勺零折徵銀七十九兩一錢四分四毫有奇
徵本色上倉米四百一石四斗九升九合三勺有奇
新增屯丁一百一十二丁徵銀三十五兩六錢六分

四釐二毫有奇雍正七年開報溢額銀三十八兩七錢六分七毫零

附徵雜稅項下

續增新墾銀七兩六錢四釐二毫零

酒稅銀二十一兩三錢八分一釐一毫零遇閏加徵銀三兩八

錢一分一釐

寺租銀五百五兩一錢四分三釐六毫零

修倉銀一兩三錢七分一釐二毫

魚課銀二百八十八兩四錢一釐九毫零

渡稅銀六十四兩七錢六分五釐

以上雜稅共徵銀八百八十八兩六錢六分八釐二毫有奇

外削免額銀四百一十四兩六錢三分三釐五毫

匠班銀三兩

奉文勻入田糧內徵解

以上丁口田地正雜附屯共徵銀二萬二千三十四兩六錢一分五釐五毫有奇內除割歸

移駐金門縣丞分徵丁口田地共銀一千一百三十五兩五錢四分六釐四毫有奇實在縣徵銀二萬零八

百九十九兩六分九釐一毫有奇

存留額載俸工驛站等項共銀五千九百二十五兩七錢三分九釐六毫有奇

支應項下

科舉進士牌坊銀四十兩

經費項下銀一千四百一兩八錢一分三釐三毫有奇
內

分守興泉永道衙門民壯三十名工食并帶徵共一

百八十六兩

泉防廳民壯二十名工食并帶徵共銀一百二十四兩

同安縣俸銀四十五兩

門子二名皂隸一十六名馬快八名禁卒八名
傘扇夫七名庫子一名庫夫三名斗級四名共工
食銀三百零三兩八錢整

民壯五十名工食銀三百一十兩

縣丞俸銀四十兩

門子一名皂隸四名馬夫一名共工食三十七兩

二錢

民壯四名工食銀二十四兩八錢

典史俸銀三十一兩五錢二分

門子一名皂隸四名馬夫一名共工食銀三十七兩二錢

儒學教諭訓導俸銀八十兩正

齋夫三名工食銀一十八兩六錢

門斗三名工食銀一十八兩六錢

膳夫二名工食銀一十三兩二錢三分三釐二毫

零

白礁巡檢改駐灌口巡檢俸銀三十一兩五錢二分

皂隸二名工食銀一十二兩四錢

烈嶼巡檢改駐石滸巡檢俸銀三十一兩五錢二分

皂隸二名工食銀一十二兩四錢

官灣巡檢改駐踏石巡檢俸銀三十一兩五錢二分

皂隸二名工食銀一十二兩四錢

驛站項下連勾閏共銀二千五百八十五兩四錢內裁

四續裁起解

糧驛道衙門銀一千三百九十五兩

大輪深青二驛贍兜抄遞等夫工食并帶徵共銀一
千一百九十兩四錢

支發項下共銀一千八百九十八兩五錢一分六釐三
毫有奇內

布政使司衙門宴賞貢使銀一兩六錢

縣學廩生二十名廩糧銀五十七兩八錢六分六釐
六毫有奇

聖廟香燈銀二兩五錢二分

祈晴禱雨香燈銀一兩二錢

習儀拜賀救護香燭銀六錢

啓聖祠

文廟山川社稷邑厲鄉賢等祠壇共銀一百二十三兩

二錢

關帝廟一年三祭共銀一十八兩

廈門

關帝廟一年三祭共銀一十八兩

鄉飲酒席銀六兩

修置祭祀鄉飲救護公宴家伙銀一十五兩

囚犯口糧銀四十兩

存恤養濟二所孤貧口糧銀六百二十六兩五錢八分

孤貧夏冬衣布原編加給共銀九十六兩五錢七分
一釐二毫

龍同交界公館門子一名工食銀一兩五錢

朱文公祠門子一名工食銀八錢

山川社稷邑厲壇夫三名工食銀二兩四錢

深青驛公館門子一名工食銀一兩八錢

東門沈井烏泥小盈魚孚店頭亭溪等七舖舖司兵
三十三名工食火把并帶徵共銀二百七十五兩
三錢五分七釐五毫

洪塘新塘安民深青仙店等五舖舖司兵二十二名
工食火把并帶徵共銀一百四十四兩七分二釐
四毫零

五通永豐官灣等三舖舖司兵六名工食并帶徵共
銀二十四兩八錢

廈門平林二舖舖司兵四名工食并帶徵共銀一十
四兩八錢八分

草市北門金門三舖舖司兵六名并帶徵共銀一十
八兩六錢

一乾隆二年奉 文添設小路下尾聖林劉五店五
通勾塘金雞亭六舖舖司兵一十二名工食并帶
徵共銀三十七兩四錢四分

白礁巡檢改駐灌口巡檢弓兵二十名工食并帶徵
共銀三十八兩二錢二分零一毫有奇

烈嶼巡檢改駐石滸巡檢弓兵二十名工食并帶徵
共銀三十八兩二錢二分零二毫有奇

官灣巡檢改駐踏石巡檢弓兵一十九名工食并帶
徵共銀三十六兩三錢九釐一毫零

兩年一辦裁存貢生盤費銀一兩二錢五分

大比年進士花幣旗扁銀五兩二錢三分三釐二毫
零

舊科舉人盤纏酒席銀二百三兩三錢三分三釐
新科舉人花幣旗扁銀一十六兩

泉州府志 卷之二十一
武舉人盤纏銀三十一兩七分二釐五毫

撥歸項下

泉防廳斗級工食銀二十四兩八錢乾隆二十年奉

文裁歸同邑裁扣款內批解原派銀兩改歸附郭

首邑解送

深青驛驛丞俸銀三十一兩五錢二分奉 文裁汰

員缺額編銀兩歸入裁扣款內批解

皂隸二名工食銀一十二兩四錢

奉 文裁
扣批解

泉州府進

表合用紙張銀六錢二分四釐奉 文裁歸起運裁

扣款內批解

以上共撥歸銀六十九兩二錢四分四釐

以上除節年續裁新裁外原額并復奉畱給共銀六千九百九十五兩八分三釐六毫內除撥歸及解

糧驛道衙門共銀一千四百六十四兩三錢四分四釐有奇實在存畱銀五千五百三十兩七錢三分九釐六毫尚該額銀一萬五千三百六十八兩二錢二分九釐五毫有奇歸於

起運項下內

辦解沈香價銀六兩正

辦解地丁項下奉 文支給各營年老功加半餉銀

一百六十六兩八錢八分

寺租銀五百五兩一錢四分有奇

漁課酒稅等項共銀三百七十四兩五錢四分

削免額銀四百一十四兩六錢三分有奇

匠班銀三兩正

奉文勻入
田糧內徵解

以上額派起運兵餉共銀一千四百七十兩零一錢

九分零尚徵解起運銀一萬三千八百九十八兩一錢三分九釐五毫有奇

錢糧耗羨共銀二千五百七兩八錢三分七釐有奇內奉派解送

分守興泉永道養廉銀五十一兩五錢一分四釐

泉州府養廉銀六百五十八兩四錢一分零

泉州府養廉銀二百三十九兩三錢七分零

同安縣養廉銀八百三十一兩二錢五分零

移駐金門縣丞養廉銀二十二兩一錢八分零

典史養廉銀四十兩正

灌口司巡檢養廉銀四十兩正

石滄司巡檢養廉銀四十兩正

踏石司巡檢養廉銀四十兩正

春秋二祭

天后宮祭品銀一十兩正

春秋二祭

風神廟祭品銀八兩正

支給額外孤貧日糧銀六十三兩九錢

賞給老農花紅酒醴銀四兩正

解司公費銀四百五十九兩二錢零七釐有奇

外徵稅契銀一千四百六十六兩七錢九分有奇年無

定額隨

糧徵解

額徵當稅銀六百四十五兩

亦年無定額隨時增減起解

徵收叛產入官稅銀一十兩七錢六分零

學租銀無

額徵秋屯米一千四百一十九石一斗一升內

移駐金門縣丞分徵米一十二石九斗一升零實徵

米一千四百零六石二斗有奇

額徵叛產租穀折米六十八石七斗一升零 添放各營兵米

南安縣分駐羅溪縣丞

分管官民田地山塘地蕩四百二十三頃七十畝三分

一毫零 每畝徵銀不等

共徵銀三千四百一兩八錢六分一釐四毫零

勻徵顏料銀二十三兩五錢五分七釐九毫零

勻徵匠班銀一兩六分八毫零

勻徵丁口銀三百三十兩五錢五分五釐二毫零

以上共徵銀二千七百五十七兩三分五釐三毫有奇

附徵項下

寺餉銀五十六兩八錢六分五釐五毫零

屯折丁銀一百八兩九錢六分五釐

以上二項附入地丁起解

共附徵銀一百六十五兩八錢三分五毫零

通共正附徵銀三千九百二十二兩八錢六分五釐

八毫零內

乾隆十七年風水偏災案內水冲沙壓田地一頃八

十二畝三分七釐九毫零無徵銀一十二兩四錢二分三釐零無徵勻丁銀一兩一錢九分三毫零無徵
寺餉銀七分二釐零無徵屯折丁銀一錢五分一釐
七毫零共無徵銀一十四兩八錢三分九釐七毫零
實徵銀三千九百八兩零一分八釐八毫零
存畱支給項下

官役俸工銀一百二兩

內

縣丞俸銀四十兩

皂隸四名民壯四名門子一名馬夫一名共十名

工食銀六十二兩

起運項下

解司地丁銀三千八百六兩二分八釐八毫零

同安縣移駐金門縣本

分管官民鹽田地一百七十七頃七十三畝九分九釐

四毫零

每畝料則不等

共徵銀九百七十一兩零二分七釐四毫零

勻徵匠班銀一錢五分六釐二毫零

勻徵丁口銀五十二兩五錢八分七釐八毫零

以上共徵銀一千二十三兩七錢七分一釐四毫零
附徵項下

渡稅額銀一十一兩七錢七分五釐零

漁課額銀一百兩正

共附徵銀一百一十一兩七錢七分五釐零

通共正附徵銀一千一百三十五兩五錢四分六釐
四毫有奇儘數歸入起運項下解

布政司投納

附歷朝田賦

五代僞閩王延鈞遣官以量田土定爲三等以膏腴者給

僧道中下者給土著流寓

萬歷府志是時膏腴田盡入寺觀民間乃得其磽窄者如

王延彬陳洪進諸家多捨田入寺顧竊檀施之名多推產米于寺而以輕產遺子孫故寺田產米比民業獨重

宋建隆初命官分詣諸道均田時陳洪進納土詔以田土

高下第爲五等於山田又分三等

萬歷府志承平既久荒墾互易而僞匿俵

寄蠹弊叢生朱文公主簿同安深知其弊後守漳州上言經界爲民間莫大之利紹興中已推行處公私兩便獨泉漳汀三州未行民因枵腹官失常賦臣不忍坐視請推擇官吏委任責成打量畝步攢造圖帳費從官給隨產均稅庶以宣上德而惠黔黎輔臣請先行之漳州明年春詔漕臣協力共事而貴家豪右侵漁貧弱者胥爲異論撓之前詔遂格終宋之世田土高下變眩莫據

太平興國中遣左補闕王永大使寺丞高象先均福建田
稅蠲僞闕時宿逋改罷其無名之征度田土高下定出
產錢分爲五等以人戶貧富爲差有公田之賦有民田
之賦有雜變之賦而又有支移折變名色泉州七縣產
錢共計三萬三千五百九十八貫二百二十七文零又
有夏秋二稅夏稅有折變布稅小麥稗草三項秋米有
糙白二米有折變黑豆一項夏稅錢總計三萬八千三
十貫五百九十九文糙米總計七萬五千六百九十三
石一斗二升四合四勺零白米總計四萬六千四百五

十四石四斗五升零黑豆錢總計三萬六千二百七十
八貫五百八十文凡折變者並與除本稅然非產錢及
三等以上者不科其役法則以衙前主官物以里正戶
長鄉書手課督賦稅以耆長戶手壯丁逐捕盜賊以承
符人力手力散從官給使令皇祐至和中韓琦韓絳蔡
襄等極論江南福建衙前里正之弊襄則請以產錢多
少定役重輕已乃更著淮南江南兩浙荆湖福建役法
下三司頒行罷甲頭保正

元賦法徵秋租而折其三分之二為鈔元貞二年乃定夏

稅

延祐中用廷臣議令民自實田不實者罪之沒其田亦不果行

明凡田地山林海塘海湯悉書其名數于籍其田之等有
二曰官曰民若職田若學田若廢寺若沒官若官租皆
係之官職田者唐制職官所分之田也學田者府縣以
贍學校之田也廢寺田者寺額廢而入官者也沒官田
者籍沒之家入官者也又有原沒今沒之別官租田者

籍沒之田而募人耕種者也民田苦徭役重累官田有

折解而無徭役故豪家操鬻田者之急或強冒官產或
減畝合券迺鬻田者亦久操之懸產不推迄于死徒其
子孫樛弱淪亡竟無從究詰開或有水漂沙壓田去產
存饔飧無資而迫吁日迫凡此二者不得不號籲于官
官司憐之浮糧之名所由起矣顧又有宿奸巨蠹入錢
里胥飛詭旁射以濱溪濱海崩以爲詞名曰浮糧而皆
實產也其巧詐不可勝窮邇歲田價騰踊人爭尋丈尺
寸之利近田闕土歲有墾闢崩削山麓填夷溝岸而界
至相隣彼此互爭舊日水漂沙壓之地有田主未能墾

復而他人乘閒營之者有田主墾復如舊而未及受產
爲他人首告者訟端繁矣萬歷十年下方田之令泉惠
安溪一邑官民皆難與慮始第均攤浮糧於業戶而
已晉江令彭國光勵精集事履畝定則分上中下派產
業戶隨坵段各授一紙彙登簿籍每畝派官米若干民
米若干鈔米若干寺田之已經找買及見在寺者一槩
丈量灑派計溢額一千四百八十頃八十九畝有奇而
產米亦增五分之一卽灑浮糧而均攤之不至是也人
始謂惠安安溪之土民有遠慮先見焉他縣行之亦或

有遺議德化志具言之矣然自是浮糧除免疆理不清
爭訟爲之稍息而獨寺僧之與民間相告言也則積歲
不休云先是嘉靖中有大工之役費無所出令民間找
買寺田逮季年閩中中倭兵餉匱乏撫按復議寺在僧
存者內將四分給僧焚修六分抽餉行之已久萬歷十
九年倭警復聞先後巡撫復相繼清查助餉乃有司奉
行未過而奸僧尋端起釁告訐紛紛旣准行查報府中
申詳請將庫收官帖盡行提查無庫收者徵銀若干無
官帖者徵銀若干捕繫置對蔓引株連民甚病之尚寶

卿永春人李開藻貽書方伯范公涑其書縷縷千餘言
大畧謂寺田奉旨變賣業在嘉靖中年找買後既經丈
量已攤入黃冊歲辦糧差與民業無異七八十年閒時
事遷改其子孫不能守鬻之他人庫收官帖安得一一
分折歷年既久安能一一存留而有司毛舉數畧展轉
追求至比於民間貼契之說猥鄙特甚且令胥役居爲
奇貨黔黎日困陷穽非仁人所忍聞也李尚寶素犍戶
不與外事亦無寺業其書侃直諄切范方伯以白撫院
事遂寢

郡邑田土等數

晉江縣嘉靖四十一年官民田地山蕩池塘等項四千
二百五十二頃二十九畝五分三釐七毫萬歷十年五
千七百三十三頃一十八畝六分九毫八絲 南安縣
嘉靖四十一年三千六百九頃九十畝七釐萬歷十年
三千六百一十五頃八十四畝九分四釐四絲 同安
縣嘉靖四十一年二千五百九十六頃七十二畝二釐
二毫萬歷十年二千六百二十四頃三十四畝四分八
釐七毫 惠安縣嘉靖四十一年二千四百六十九頃

五十四畝九分五釐萬歷十年二千四百七十六頃七
十三畝六分四釐二毫 安溪縣嘉靖四十一年一千

四百一頃六十五畝二分四釐四毫萬歷十年一千四
百一十二頃九十六畝三分七釐五毫

明賦役遠監宋代曰官米民米卽公田民田之賦也曰
秋糧米夏稅鈔秋租鈔卽兩稅之賦也曰魚課鹽課鐵
課酒稅商稅卽雜變之賦也役法有力差有銀差如上
下衙門庫子主官物似宋之衙前而流弊亦似之坊里

長卽宋之督賦稅者也機兵弓兵民壯卽宋之逐捕盜

賊者也書于隸兵祗候門子斗級獄卒舖司兵齋夫膳夫馬夫之類卽宋之給使令者也創造之初法制未備承平之後蠹弊漸滋洪武初年官米輕重不同重者至一石輕者亦至一斗宣德五年乃下減分之令凡官米徵一斗至四斗者減十分之二四斗一升至一石以上者減十分之三遂爲定則官米舊時本折中半折色米徵銀解京本色米存畱各倉民米舊以十分爲率七分徵本色派倉三分徵折色解京正德十四年御史沈灼奏官米俱折色解京民米俱存畱各倉官米分四等徵

納三斗以下每石折銀三錢六分三斗以上每石折銀
三錢三分五斗則米每石折銀三錢七斗則米每石折
銀二錢五分如晉江同安米多於解京原額則以解剩
官折撥倉與民米兼充軍糧如南安惠安安溪永春德
化官米不足解京原額則取民米之折價者以足解京
之數其民米并秋租鈔米半納本色半納折價每石折
銀五錢新增起科米并浮糧米俱全徵折價每石二錢
五分相兼分撥各倉凡官民米皆有加耗每官米一斗
加耗三合五勺民米一斗加耗七合其耗米准備倉廩

虧損已復紐入正額支銷其後坐派各倉民米每正耗
米一石又增耗米五升亦作正額支銷如例此法行民
稱便至今而獨里甲之役有甚爲民苦者始坊里長在
官專掌催錢糧勾攝公事而已其後乃以支應官府諸
費若祭祀鄉飲迎春等事皆責措辦浸淫至於雜供私
饋無名百出一紙下徵刻不容緩加以吏皂抑索其閒
里甲動至破產此其弊與宋時等矣正德十五年御史
沈灼議將通縣費用分正雜二綱以丁四糧六法科派
正綱費用可得稽按雜則私而難核其供饋繁靡如故

也嘉靖十六年御史李元陽閱閭閻受弊再議徵銀儲
庫用度各有定則但額外費繁支應不給仍令里長貼
辦稱爲班次又雜泛名色猥瑣甚或借辦舖戶全不償
價或半給者有之較其一年供億倍於一綱之數而里
甲困憊不減前時徭役最重者莫如庫子夫廩保庫子
上策應心紅紙割酒席下程之費而官司之昏瞶者媚
奉過賓泥沙錢穀私衙傳索亦復不貲嘉靖之季年郵
券濫冒往來如織至者皆多擁賓從行李輜重過當夫
廩保之供給殆不堪命於是撫按兩院始令各縣除正

雜之名止稱綱銀以丁四糧六審定規則又謂十甲輪
差遇有本甲丁米少者則銀少而輕差或本甲丁米多
者則銀多而差重未免有不均之歎乃又令各縣將實
差丁米分爲十段派編其法頗稱詳明然民困猶未甚
甦息旣而都御史汪道昆以總兵戚繼光蕩滅倭寇實
藉金華兵之力遂調金華兵戍守議加派軍餉丁四糧
八奉旨定賦而民又增一役矣至萬歷初年都御史龐
尚鵬始議一條鞭之法通府州縣十歲中夏稅秋糧存
畱起運額若干綱徭兵站加銀額若干通爲一條其曰

綱銀則院司郡邑之供應祭祀之費用生員之試賞舉
貢進士之盤纏牌坊皆統焉其日均徭銀則諸司之祇
候隸兵庫子門子倉庫夫壇夫齋夫膳夫陂夫館夫獄
卒斗級弓兵舖司兵巡欄之役皆統焉卽庫子驛站之
徭差舊時最爲民所苦者一槩通融均派供其入者民
司其出者官而奸徒之抑勒需索無所藉手著爲令甲
民甚以爲便蓋賦役之法始也煩繼也簡始則賦役分
爲二繼則合而爲一矣

萬歷
府志

歷朝屯田

牙璋掛中設屯田使初行之雄莫順安諸州軍大中祥符
以後則淮南兩浙荆湖皆行之明代倣宋制衛所軍士
以三分守城七分屯種又有二八四六一九中半等例
泉郡屯種軍士大約以四六爲率洪武二十年令屯軍
種田五百畝者歲納糧五十石三十五年始定科則每
軍田一分正糧十二石收貯屯倉聽本軍支用餘糧十
一二石給本衛官軍俸糧永樂三年令各屯置紅牌一面
寫刊於上令千百戶分管各屯總以提調都指揮所收
子粒多寡不等除下年種子外俱照每軍歲用十二石

正糧爲法比較將剩餘并不敷子粒數目通行計算定
爲賞罰不許管屯官員人等巧立名色因而分用二十
年詔各都司衛所下屯軍士其閒多有艱難辦納子粒
不敷除自用十二石外餘糧免其一半只納六石正統
十年奏准福州左右中衛并延平衛屯田准照民間秋
糧事例每石折銀二錢五分解京濟邊福州左右衛屯
則在惠安永春者也第田多在叢山中軍士率從他郡
調至水土不習以漸逃亡至末年沙尤寇發暫調回屯
軍備寇寇亂日熾田畝日荒於是始撥餘丁補種故軍

土田顧名之曰餘丁者豈必故軍之子孫房族而冒頂之弊起矣方撥田之初報占不審有田一頃重報兩三軍兩三軍共爭一田者有牽紐肥磽苟求具數者一戶之田分報官民時移世變民隱其田而爭於軍者雖云每軍各頂三名僅足一名之數而已成化初遣官清理始除其虛數稽其實在分配贖補務足糧額遂有正種貼種朋種品搭種等名目此時率三四五軍而併一軍由是額減於舊每屯之軍多不過四十名少止二十名而已宏治末年屯軍災亡益衆倪給事中奉命清查欲

得原額多侵民田幾至激變慮妨復命乃將成化中稽實配補之田分抽一半別作新增兩徵其租軍士大困至饒御史始令停徵後屠御史奏請開豁嘉靖中管屯鄭僉事將屯田聽人請佃論者非之萬歷十年以後復行清丈遺失畝分藉是得復而豪民頑佃轉相承兌移瘠換腴終不可革今依故籍列其衛所撮其總數註其屯坐備著于左

泉州衛新舊屯田共四十二所 左所屯新舊九所共田

地二百一頃三十八畝六分

晉江縣三所一在四十一都一在四十二都官洋一

在西平五六都微口俱縣北南安縣一所在縣西北十
七都蘆溪同安縣一所在縣西安仁里地倍惠安縣一
所在縣西十五六七都大
中德化縣三所茲不載
右所屯新舊七所俱在德
化縣茲

不載 中所屯新舊九所共田地二百一頃三十五畝六

分一釐 德化縣七所南靖
縣二所茲俱不載 前所屯新舊八所共田地

二百一頃七分七釐 德化縣五所龍溪
縣二所茲俱不載 後所屯新舊

九所共田二百一頃二十四畝五釐 德化縣七所長泰
二所茲俱不載

永寧衛屯田新舊共一十四所 左所屯二所共田地三

十三頃六十畝 在安溪縣光
德永安等里 右所屯四所共田地六

十七頃二十畝 晉江縣一所在縣西南一二都磁窰南
安縣一所在縣西三十都八尺安溪縣

二所一在縣西新溪等里 中
一所共田地三十

二頃六十畝 同安縣一所在縣東一二三都豐塘等處安溪縣一所在縣西北新溪等里

前所屯二所俱在安溪縣東北崇善等里共田地三十

三頃六十畝 後所屯四所俱在安溪縣西北共田地

六十七頃二十畝 二所在崇信等里二所在龍涓里三洋南斗 福全千戶

所屯田新舊一所共田地六十七頃二十畝 南安縣一所在縣北

九十都東埔惠安縣一所在縣北二三等都塗嶺等處 金門千戶所屯田一所

共田三十五頃三十畝 在龍溪縣 高浦千戶所屯田 茲不載

新舊一所共田地六十六頃二十二畝 南安縣一所在縣東南三十二

都三峯等處同安縣一所在
縣西一二三等都蕭田等處

中左千戶所崇武千戶

所屯田新舊二所共田地七十二頃

晉江縣一所在縣北四十一都下庄

惠安縣一所在縣西北十五都大中

福州右衛一屯共三十三頃六十畝

在惠安縣十四五六七都大中等處旗軍

一百一十二名屯糧係惠安縣帶徵徑解福州府解司充餉

歷朝上供

唐初土貢甚少有蕉布生苧布各一疋及綿絲蠟燭末

年方鎮擅命託進奉之名以贍私橐於是聖節大禮

供軍等名宋裁損其數而名尚未盡革治平閒曾貢山

薑花橄欖子荔支後皆罷之元豐中貢繇一百兩蕉葛
五十疋上供銀舊額二萬四千兩其歲辦則大禮銀二
千兩三年一貢聖節銀一千兩天基聖節銀二百兩又
有在京吏祿錢在京官員役錢僧道免丁錢紹興中令
州上木縣布五千疋爲奉使賜予及使者私覲之用遂
爲例又有統制官供給錢經總制無額等錢名色繁多
官司隨宜措辦明洪武閒有雜色皮翎毛角弓弦箭之
貢永樂閒有白糖霜糖沙哩別之貢後以經費所需始
派各色物料有三辦一曰額辦藥材牲口歷日紙張段

正甲絃箭軍器雜皮翎毛等物一日歲辦蠟茶水牛底
皮石大青黑鉛銀硃銅鐵金箔牛筋綿羊皮楠木柁木
杉木等物一日雜辦生漆棕毛雜皮黃蠟水膠白麻布
正紙張紵絲線羅荒絲鐵線木炭等物額辦者有定額
也歲辦者不常徵也雜辦者于額辦歲辦之外又有泛
雜之辦也宏正間遞增之皆倚辦於該年里甲而名數
煩碎或增或減或徵或否有司莫能詳其來歷吏胥因
之爲奸虛派侵尅歲益滋甚至徵解之時主吏勒索無
厭往往耗折逋欠正德十五年御史沈灼行八分法通

融各縣應辦物料就於八分銀兩支解本府僉長解買
辦本色解部交納嘉靖二十六年議附由帖徵銀解布
政司支應至萬歷初年都御史龐尚鵬定一條鞭法於
是各縣上供物數始有定額較若畫一云

歷朝雜課

農桑絹課宋時令長吏勸民廣植農桑有伐以爲薪者罪
之而調其絹綢絲綿以供軍南渡後軍儲不足絲絹並
半折錢每疋二千明洪武初令民有不種桑麻木棉者
罰之布帛後又令民於在官曠地種桑每畝四十株科

絲五錢每絲一觔四兩成絹一疋長三丈餘乃有司苟
且具文奉行不虔遂變而徵銀每疋一兩六錢水脚二
錢八分俱於通縣丁糧辦納

課五代閩時凡江湖陂塘皆收其課宋至道閒除之然
州縣尚有採捕舟船之稅明始立河泊所以權沿海漁
利定納課米其後漁戶逃絕者多額課辦納不敷迺有
折徵之令每米一石半納本色五斗折色五斗爲銀二
錢五分宏治七年巡按御史吳一貫奏准不分折色通
徵銀三錢五分漁民迺得蘇息蔡清爲作吳御史利民

一事記府屬魚課米共四千七十五石六斗一合三勺
零有閏月加米三百三十九石六斗二升五合八勺零
鐵課宋開寶中設諸州坑冶場二百有一泉州鐵場在永
春倚洋安溪青陽德化赤水而晉江之石菡盧灣牛頭
嶼長箕頭惠安之下坑黃崎嶠頭許埭港尾沙溜盧頭
峯前牛埭皆有鐵砂慶歷三年立法禁輿販入海後有
詔許於兩浙貨賣未幾罷淳祐中永春東洋肥湖德化
信洋上田邱埕鐵砂尚有業者通判掌之諸縣歲有
爐稅錢解送建寧府坑冶明悉罷官坑冶鐵課均敷丁

田出辦本府各縣歲入課二萬六千七百四十三觔一兩零內一半每觔折鈔一百二十文每貫折銀七釐解布政司上納

商稅課宋諸縣各有稅務其在城者曰都稅務在外者曰外稅務政和紹定閒盈縮不常於是有害蠹追賠之弊郡守濮斗南廼取前十年月課逐月定額稅錢十分爲率以其一納總制庫其一納財計司餘八分從州納諸縣稅務初建官後皆罷廢丞簿兼掌之其稅目有遺利錢賠綱錢糜費頭錢等名明洪武初府置稅課司縣置

稅課局令商稅三十稅一巡欄者收所稅以季終交於局官而民間田土交易官給工本墨令自填寫爲之印識以照之亦收其稅永樂七年遣官點視按爲定額正統初詔革稅課司局鈔不及三萬貫者有司兼領之後貨物弛不復稅課額倚辦於巡欄歲編有力人戶充之其名目有商稅課門攤課桐油課果木課蜂蜜課窑冶課鑄馮課蠟房課麴稅課契本工墨課共課鈔九千八百六十七錠二貫一百五十文

酒稅課泉課自元時始至元二十二年罷令諸路權酒麴

如京師例而福建課額併入鹽運司二十八年依舊令
有司辦之明因仍未革本府各縣酒醋等課鈔二千六
百一十錠二貫六百三十九文閏月加鈔二百二十一
錠三貫一百八十二文

市舶稅課宋元祐中置市舶司於泉州南渡後舶司歲入
充盈然金銀銅鐵海舶飛運所夫良多元至元二十一
年設市舶司於杭泉二州獨泉州於抽分之外又取三
分之一以爲稅凡金銀銅鐵男女並不許私販入番大
德七年罷尋置尋罷者三四明禁海船不許通番其諸

番入貢至泉州者惟大琉球所貢番物則市舶司掌之
成化八年市舶司移置福州而比歲人民往往入番商
販所販國名曰呂宋諸番以時萃焉其稅則在漳州海
澄海防同知掌之